

2015 DIARIES & YEAR PLANNERS
Now Available!



POM: 313 9800
LAE: 472 5488

THEODIST LTD
THE STATIONERY SUPERMARKET

KRISMAS KADS LONG LAIK BILONG YU



200x ful kala kads wantaim envelop K550 ikam wantaim takis

Only at...
THEODIST LTD
THE STATIONERY SUPERMARKET
Waigani Drive, POM 325 6500 sales@theodist.com.pg
Markham Road, LAE 472 5488 saleslae@theodist.com.pg

INSAIT:

2015 Baset - P2, 4, 5 na 6




K16bn dinau baset

- K2.3 bilien dinau
 - total gren K13.97
 - K897 saplamentri baset
 - Dinau GDP kam daun long 4.4%
 - K12.3 bilien winmani bilong 2014
 - Ikonomi gro strong
- I go moa long pes 2...*



Baset lokap...

Nesenel Plening Minista, Charles Abel i tokaut long plen bilong 2014 saplamentri baset na 2015 baset long baset lokap - Tunde dispela wik.
Poto: Stanley Nondol

2014 Praid bilong ol meri-PNG
Awod wina - P11



Ol 'bus atis' soim kala na stail long Maining Sefti Wik - P15



Laipstail



Is the weight too much?

Transfer your **balance** and we will pay off your **DEBT**.

- ✓ Low Interest @1% p.m
- ✓ Suitable Terms & Conditions
- ✓ Flexible Repayment Terms
- ✓ Accessible
- ✓ Affordable

watch your savings grow

16 bilien dinau baset

I kam long pes 1...
Stanley Nondol i raitim

GAVMAN i tokaut long K16.2 bilien mani plen bilong 2015 na K897 saplimentri baset bilong 2014. Tasol dispela em dinau baset long K2.3 bilien na i namba tri yia bilong dinau baset aninit long O'Neill gavman.

Winmani gavman i mekim long 2014 em K12.3 bilien. Total winmani na gren bilong gavman em K13.927 bilien. Dinau baset long K2.3 bilien na kiim 2015 baset bilong kantri i go long K16.2 bilien.

Minista bilong Tresari, Patrick Pruaitch i tok long 2015 gavman bai kisim dinau insait long kantri, na ovasis wantaim winmani bilong LNG na bai yusim long dispela K2.3 bilien long baset.

K2.3 bilien dinau baset em wankain long 2014 we gavman i mekim dinau baset long K2.3 bilien. Tasol 2015 baset bilong kantri i go antap K16.2 bilien, em i K1.056 bilien moa long 2014 na i stap long 4.4 GDP. Long 2014 bin 5.9 pesen.

Long K879 milien 2014 saplimentri baset, Mista Pruaitch i tok gavman i putim K250 milien antap long 2015 Pasifik Gems na sampela i go ol long arapela komitmen bilong gavman long 2014.

Taim Mista Pruaitch i tokaut long 2015 mani plen, em i tok olsem ikonomi bilong kantri bai gro long 15.5 pesen long 2015. Gavman bai go het wantaim dinau baset long 2016, na long 2017 bai lukim balens baset na seplas baset (gavman bai mekim moa winmani na abrusim mak) long 2018.

Praim Minista Peter O'Neill i tok moa long K9.2135 bilien bai go stret long ol sevis olsem helt, edukesen, loa na oda na egrikalsa wantaim SME o liklik bisnis na stretim ol arapela gavman sevis long givim sevis stret long ol pipel. Na K6.9855 bilien bai go long kepitol invesmen-em long stretim ol infrastraksa bilong groim bisnis long pulim moa winmani bilong kantri.

Ol bikpela eria bilong 2015 baset em: **Edukesen** K1.9 bilien, **Helt**, K1.8 bilien, **Loa na Oda** K1.6 bilien **provins na distrik** K3.7 bilien na **Infrastraksa** K2.298 bilien.

Mista O'Neill i tok akaun bilong gavman nau i lukim planti mani i wok long kam insait na okonomi bilong kantri i gro strong na winim ol arapela kantri long wol.

Mista O'Neill i tok winmani bilong takis bai go antap long K11.2 bilien long 2015 na projek gren long ol dinau bai kam daun long K200milien we nau stap long K1.5 bilien.

Praim Minista P'Neill i tok planti pipel bai kisim sevis bilong 2015 mani plen, gavman i mekim moa mani bilong kantri i wok strong long kamapim progit baset long 2018.

Wankain taim long palamen, Oposisen lida, Belden Namah wantaim pastaim minista bilong Tresari Don Polye i tok gavman i no ken ridim 2015 baset long palamen bikos baset i no kamap gut.

Mista Polye long poin ov oda i askim spika long stopim Minista bilong Tresari long tokaut long baset bikos ol baset buk i no redi. Tasol spika Theo Zurenuoc i larim Mista Pruaitch long go het toktok long 2015 baset.

Mista Namah i tok gavman i wok long brukim planti lo bilong kantri. Dispela em i haus bilong ol pipel na baset em i bilong kantri i kam aninit long lo na gavman i no pinisim baset gut. Em i askim sapos gavman i ken surukim baset i go long bihain taim.

Bihain long en, long 5 kilok apinun ol wokman long palamen i go raun na i givim ol baset buk long ol memba bilong palamen na lusim long hap we ol bius ripota bai kisim

Lo na Oda Sekta kisim K1.6 bilien long 2015

Frieda Sila Kana i raitim

LO na Oda em i wanpela bilong ol bikpela rot bilong Nesenel Strateji bilong Sastenebel Developmen aninit long bikpela plen, long Visen 2050, na Alotau Akod bilong O'Neill-Dion gavman, olsem na long yia 2015 baset, O'Neill-Dion gavman i apim baset bilong Lo na Oda i go antap moa winim bilong dispela yia 2014 na i kisim K1.6 bilien.

Total bilong mani em K1,578,434 bilien i winim bilong 2014 we em i bin K1,181,369 bilien. Dispela mani bilong Lo na Oda i karamapim tu K66 milien i kam long ol dona gren long helpim lo na oda long kantri. Bikpela



hap bilong dispela mani i go long Dipatmen bilong Polis, K367.2 milien na Difens Fos kisim K261.2 milien. Gavman i makim K15.2 milien long kisim ol nupela rikrut (480) bilong Difens, na 750 nupela Polis rikrut na 200 nupela CIS rikrut long 2015.

Sampela bikpela invesmen i kam insait long lo sekta olsem PNG-Australia Lo na Jastis Patnasip wantaim K55.7 milien, Waigani Kot Haus opis kisim K180 milien wantaim narapela K127 milien i kam long Sevis Impruvmen Program mani long gavman.

Gavman bai givim tu K30 milien long Polis, Difens na Korksenel Sevis, em i antap moa long K28 milien ol i givim pinis long 2014, long redim sekyuriti sevis bilong lukautim 2015 Pasifik Gems.

Sampela narapela as bilong baset i go antap em long lo na jastis sekta bai kisim moa jas, mekim moa kot raun i go long ol provins na distrik na long baim alawens bilong ol viles

kot, pastaim 7-pela episa long wan wan kot tasol nau bai i go antap long 11 long mani mak bilong K14.4 milien.

Bikpela tingting bilong gavman em i olsem sapos ikonomi i go antap bai i gat moa invesmen i kam long ausait, na dispela i min olsem ol investa i mas gat bilip long kamapim bisnis insait long kantri we i gat gutpela lo na oda.

Ol dona patna tu bai i gat bilip long putim moa mani long helpim developmen sapos i gat gutpela lo na oda i stap.

Sampela wok we ol kot i no bin wokim na we ol viles kot i no kisim pe bai ol i baim nau wantaim dispela bikpela moa baset bilong 2015.

Oposisen askim O'Neill long risain

Yakam Kelo i raitim

OPOSISEN i tok strong long Praim Minista bilong Papua Niugini Peter O'Neill mas risain long opis bilong em na klinim gut nem bilong em long dispela Lidasip Traibunel Kot pastaim. Lida bilong Oposisen Belden Namah i mekim dispela toktok long Tunde dispela wik taim gavman i wok long redim 2015 nesenel baset bilong kantri long palamen haus.

Mista Namah i tok insait long olgeta Wesminista Sistem bilong politiks, ol lida husat gat nem long sanap long kot save risain long opis o lusim opis na stap ausait pastaim long kot bilong ol na stretim gut ol rekot na nem bilong ol. Olsem na

mipela i no klia wanem as tru na Mista O'Neill i no laik lusim opis na mekim olsem pastaim?.

Mista Namah i tok dispela kot bilong Lidasip Traibunel we Mista O'Neill bai sanap long en em bikpela kot tru bikos long 3 bilien dola lon o dinau gavman bin kisim long baim 10.1 pesen (%) sea insait long Oil Search kampani.

Em i tok palamen i no bin toktok long mekim dispela samting olsem na ol i no klia dispela disisen kamap long we na Praim Minista i go het na oraitim dispela dinau long kamap. Olsem na em mas lusim sia bilong Praim Minista na mekim klia long Lidasip Traibunel kot, Mista Namah i tok.

Wankain taim tu pati lida bilong THE Pati (Triumph Heritage Empowerment) Don Polye i tokaut olsem em wantaim pati bilong em ol i joinim Oposisen nau. Mista Polye i kam wantaim tupela pati memba bilong em na narapela foapela bai joinim ol sampela taim bihain.

Mista Polye i bin man husat i go pas long kirapim ol dispela toktok bilong 3 bilien dola dinau ya em sanap strong olsem Praim Minista i mekim bikpela asua long oraitim dispela dinau long kamap. Mista Polye i bin Minista bilong Tresari we em bai go pas long sainim kain dinau olsem. Tasol Mista O'Neill bin rausim em na em yet holim dispela posisen

bilong Tresari na oraitim dinau ya long go het.

Mista Polye i tok dispela dinau mani bai yumi ol pipel bilong Papua Niugini bai pilim pen bilong em long bihain olsem na em wok long toktok yet long stretim dispela samting long kot.

Ombudsmen Komisnin i sekim olgeta rekot na ripot bilong dispela dinau na lukim olsem i gat as bilong kamapim Lidasip Traibunel kot olsem na ol givim ol pepa na ripot go long opis bilong Pablik Prospektyuta long stretim na askim Sif Jastis long kamapim dispela kot.

Sif Jastis i no tokaut long wanem taim bai kot bilong Lidasip Traibunel i kamap.

NCDC givim kontrak bilong bas stop sain long Media Partners

TISA Seving na Lon Sosaiti wantaim NCDC i kirapim wanpela komyunit sevis wok long putim tupela Bas stop na piksa bilong rot ol PMV bas bai bihainim, long Sir John Guise Draiv long Waigani, NCD long Jun dispela yia.

Gavan Parkop i amamas long dispela kain tingting bilong ol praivet na pablik patnasip wok long putim dispela kain pablik notis na tu long helpim ol bas na ol pasindia. Em laikim ol narapela kampani na ogenaisesen tu long kam insait long dispela kain program.

Tisa Seving na Lon Sosaiti i laik sapotim dispela projek na i larim ol long yusim disain bilong en na bihain bai em i givim dispela Bas Stop sain i go long NCDC bihain long tupela yia.

I gat sans long ol narapela ogenaisesen long baim konstraksen na kirapim sampela Bas Stop na sain bilong Rot bilong PMV bas, na long bekim dispela bai NCDC i ken givim tok orait long ol i ken advetaisim ol yet long dispela ol pablik ples inap tupela yia.

NCDC i givim kontrak long Media Partners Ltd long ranim dispela projek long menesim 200 bas stop insai t long Nesenel Kepital Distrik long helpim ol pablik na ol ogenaisesen long siti.



Gavana Parkop sainim kontrak wantaim Media Partners Ltd.

Praim Minista bai sanap long Traibunel Kot

Yakam Kelo i raitim

PRAIM Minista bilong Papua Niugini, Peter O'Neill bai sanap long Kot bilong Lidasip Traibunel long toktok bilong K3 bilien mani gavman bin kisim olsem dinau na putim i go long baim sea wantaim Oil Search kampani long dispela yia.

Ombudsmen Komisn bin sekim dispela eksen olsem i mas go long kot long sekim sapos gavman i bihainim stret lo long kisim dispela dinau mani long baim 10.1 pesen (%) sea wantaim Oil Search Kampani.

Opis bilong Pablik Prosekyuta i kisim ol ripot pepa i kam long Ombudsmen Komisn long kamapim dispela kot. Dispela kot nau i stap long han bilong Sif Jas Jastis Sir Salamo Injia long makim ol jas na mejistret bilong harim dispela kot bilong Lidasip Traibunel.

Praim Minista Peter O'Neill i tokaut long las wiken olsem em welkam long Kot bikos em bai givim sans long ol ken tokaut stret na mekim klia long olgeta wok na ol samting Gavman bin bihainim long kamap wantaim dispela dinau mani wantaim benk bilong Saina.

Narapela bikpela samting tu em Mista O'Neill i tok em i no inap risain o lusim opis bilong em long sanap long dispela Traibunel Kot.

Dispela em bikos nogat kot i painim em i asua yet long wanpela samting na olsem em i no inap risain o step daun nating long opis inap kot i tok stret olsem em i brukim lo.

Mista O'Neill i givim wanpela piksa go bek tu long taim bilong olupela Praim Minista na nau rijinol memba bilong Is Sepik Gren Sief Sir Michael Somare we em no bin risain long opis taim kot bilong Lidasip Traibunel bin sasim em long 2011. Dispela kot em long Sir Michael Somare i no givim rekot bilong



Praim Minista, Peter O'Neill.

ol distrik mani em bin kisim kam hariap long Rejistra opis bilong kendidets na ol politikel pati.

Olsem na Mista O'Neill i tok em bihainim wankain samting we em no inap risain o step daun nating inap dispela kot i tokaut stret long dispela.

Mista O'Neill i tok tu olsem planti kantri long wol i wok long putim tingting na strong long kirapim kantri bilong ol wantaim ol bisnis ekonomi, ol bikpela sevis olsem edukesen na helt na planti gutpela samting. Tasol long PNG em mipela i no laikim ol dispela kain gutpela senis na developmen, mipela laik bagarapim man na pilai deti politiks tasol long bagarapim gavman na gutpela ron bilong kantri.

Opis bilong Pablik Prosekyuta bai go pas long dispela kot bilong Lidasip Traibunel long askim ol kwesten long ol wok na pasin Mista O'Neill i mekim long kamapim dispela USB 3 bilion dinau long Swiss Benk.

Dispela dinau mani i go long baim 10.1% sea insait long Oil Search kampani.

Praim Minista i tok PNG mas gat sea insait long ol bikpela ovasis maining kampani we i wok long kisim ol gol, kopa, oil, ges na ol risos bilong yu.

Yumi no ken sanap na lukluk tasol long ol maining kampani i kisim ol samting long graun bilong yumi na go na yumi yet i no gat sea long ol dispela maining na mineral bisnis.



OL PNG KAUBOI...

Foapela kauboi bilong karim plak long seremoni bilong opim PNG Gems long Lae, i sanap wantaim hos bilong ol, Greg. Poto Isaac Liti.

BSP
Smart Business
6013 0123 4567 8910
06/17
Mrs Bank S Pacific

grow. business

"A BSP Smart Business Loan helped my small home operation rise to become a Smarter Business."

Genia Siaguru
Business Owner of Tapioca Delight

BSP Proudly supporting PNG and the Pacific

320 1212 / 7030 1212 - 24/7
servicebsp@bsp.com.pg
www.bsp.com.pg

2015 dinau bai sanap long K2.27 bilien

Stanley Nondol i raitim

DISPELA 2015 baset bilong kantri i stap long mak bilong K16.2 bilien. Em i K1 bilien o 7.2 pesen moa long 2014 baset. Gavman bai traिम long katim daun long dinau na yusim mani gut long 2015, tasol dinau gavman i lukluk long kamapim em K2.27 bilien long 2015.

Gavman i lukluk long yusim mani gut long oraitim GDP bilong bilong dinau na kamapim balens baset long 2017.

Ol bikpela eria gavman i lukluk long yusim 2015 dinau baset na kamapim balens baset long 2017 em;

-Gavman lukluk long wokim foundansen wantaim 2015 baset long long givim sans long ol pipel



polisi bilong helt, edukesen, infrastraksa, egrikalsa sekta

- Sapotim na strongim wok bilong jastis sekta,

Bikpela lukluk bilong gavman long yusim 2015 baset long strongim wok aninit long Midium Tem Dvelopmen Plen em hia:

-Yusim ol graun i stap nating long wokim planti haus bilong ol pipel bilong PNG.

-Stretim ol rot insait long kantri long mekim isi long ol pipel long ples i ken go kam long maket na taun.

-Stretim haia edukesen na teknikel edukesen.

-Givim klia wara, pawa saplai na komyunikesen sevis.

-Givim gutpela yunivesel edukesen long praimer i na sekenderi skul na gutpela praimer i helt kea.

long kisim sevis stret na wokim bisnis long strongim ikonomi.

-Wokim bikpela projek na stretim gut rot bilong givim wok kontrak olsem disain, skoping, na karim aut ol wok projek aninit long lo bilong kantri.

-Sapotim ol SEM o liklik bisnis,

Ekspendisa rekot i no stap long baset ripot, Namah i tok

Yakam Kelo i raitim

OPOSISEN bai no gat bekim bilong 2015 baset long neks wik Tunde bikos ol i no kisim yet ful baset ripot bilong gavman, Oposisen lida Belden Namah i tok.

Mista Namah i tok ol bai mekim baset ripot bilong ol olsem wanem sapos gavman i no gat ful 2015 baset ripot long ol i ken lukim na skelim na autim tingting bilong ol antap.

Dispela em namba wan taim tru insait long Papua Niugini we dispela gavman i tokaut long nesanel baset we i no gat ful ripot long en. Volum 1 na volum 2 ripot em tok long ol eria o hap we mani i kam long en long kantri. Tasol volum 3 ripot i no stap na dispela em bikpela samting tru long soim ol mani i kam long kantri bai go we na long wanem kain wok na projek tru.

Dispela i soim olsem gavman bilong Peter O'Neill i no fit long ranim kantri bikos ol soim asua bilong ol pinis long kamap hap baset ripot tasol, olsem ol i laik giamanim ol pipel bilong Papua Niugini, Mista Namah i tok.

Nau yet mipela i no kisim volum 3 ripot bilong baset tasol Spika bilong Palamen Theo Zurenuoc i tokaut olsem dispela hap baset ripot bai kam long han bilong ol memba long aste (Tunde). Inap nau em no gat yet olsem na mipela i no inap mekim bekim bilong Opo-

sisen long dispela baset, Mista Namah i tok.

Memba bilong Bulolo na Deputi Oposisen lida, Sam Basil i tokaut tu olsem olgeta taim ol laik go long ol gavman opis olsem Vulupindi (Fainens opis), ol bosman bilong ol i save haitim pes long ol. Ol i no laik toktok wantaim mipela bikos ol prèt long lusim wok bilong ol. Olsem na em i hat long mipela i kisim ol baset pepa bilong redim baset ripot bilong Oposisen long bekim baset ripot long neks wik Tunde, Mista Basil i tok.

Olsem na Mista Basil i tok olgeta memba i mas yusim gutpela na klia tingting bilong ol olsem dispela em i wanpela giaman baset stret na ol i no ken sapotim na votim.

Sapos ol memba bilong Palamen i no votim na kamapim dispela 2015 baset long neks wik, dispela bai soim klia olsem ol pipel i no gat bilip moa long dispela gavman bilong Peter O'Neill.

Memba bilong Rabaul, Dokta Allan Marat i tok nau yet em i no kisim dispela namba tri hap ripot bilong baset ekspendisa olsem na em save olsem gavman i laik paulim na trikim ol pipel bilong Papua Niugini long dispela baset.

Dokta Marat i tok em i save olsem Baset Komiti i no bin oraitim gavman long tokaut yet long 2015 baset bikos planti samting i no stret yet na i no redi yet. Tasol gavman i go het pinis na tokaut long dispela hap baset ripot.

PROVINS SEKTA BILONG 2015 BASET LONG MILLION KINA

PROVINCES	AMOUNT IN MILLION OF KINA
FLY RIVER PROVINCAL GOVERNMENT	121,046.8
GULF PROVINCE	93,263.3
CENTRAL	179,154.4
NATIONAL CAPITAL DISTRICT	62,334.3
MILNE BAY	160,045.0
ORO	85,411.3
SOUTHERN HIGHLANDS	225,405.6
ENGA	172,518.2
WESTERN HIGHLANDS	189,163.9
SIMBU	200,502.6
EASTERN HIGHLANDS	260,544.6
MOROBE	334,799.1
EAST SEPIK	225,584.9
SANDAUN	171,530.2
MANUS	68,698.5
NEW IRELAND	127,605.5
EAST NEW BRITAIN	169,479.5
WEST NEW BRITAIN	108,877.4
ATONOMOUS BOUGIANVILLE GOVT	299,358.2
HELA	96,652.6
JIWAKA	94,762.2
MADANG	242,753.8
GREN TOTAL	3,689,491.8



Ol oposisen lida, Belden Namah, Don Polye na Allan Marat i mekim sampela toktok long lukluk 2014 Baset. *Poto: Yakam Kelo*



Minista bilong Nesanel Plening na Monitoring, Charles Abel wantaim Tresseri Minista James Marabe i stap long FM 100 TokBek So aste moning. *Poto: Frieda Sila Kana*

PNG ikonomi i gro bikpela

Stanley Nondol i raitim

-2015 ikonomi bai gro long 15.5%

-Inflesen o prais bilong ol samting bai kam daun long 5.5 pesen

NESENEL ikonomi bai gro long 15.5 pesen long 2015 na 2015 em 14 yia bilong ikonomik gro bilong Papua Niugini. Na prais bilong ol samting bai kam daun.

Praim Minista long taim bilong 2015 baset long dispela wik Tunde i tok, ikonomi i gro, prais bilong kaikai bai kam daun long 5.5 pesen long 2015 na

Gavman i tokaut olsem ikonomi bilong kantri i gro strong yet na bai gro mao long ol yia i kam na bai apim winmani bilong kantri.

Praim Minista Peter O'Neill i tok long wol evrej long 3.3 pesen ,PNG ikonomi gro long 8.4 pesen long 2014 na bai



sanap long 15.5 pesen long 2015.

Gavman i tokaut olsem 2015 baset bai i sot long K2.3 bilien bikos gavman bai mekim planti invesmen long nesenel infrastraksa tasol bikpela winmani bai stat long kam insait long neks yia na long 2018 kantri bai lukim bikpela winmani.

Praim Minista O'Neill i tok dispela em bai kamap long

plen bilong gavman long investim bikpela milien kina long infrastraksa olsem rot, sip bris, ples balus, ol skul haus bilong ol tisa, nesing koles na tisa koles.

Em i tok gavman bai yusim mani long ol pipel long kisim sevis long ol planti yia i kam bihain.

Mista O'Neill i tok gavman i gat plen long mekim dinau baset long 2016 na balens baset long 2017 na saplas baset long 2018.

Mista O'Neill i tok gavman bai menesim gut dinau baset long 2015, na 2016 na bai menesim gut bikpela winmani long 2017 na 2018.

Mista O'Neill i tok veliu bilong kina i pundaun long 8.3 pesen long 2014 bikos planti mani i go aut long kantri na US dola bin strong agensim ol mani bilong liklik kantri olsem PNG.

Gavman, Benk bilong PNG na ol komesel benk i bin wok strong long sanap strong long dispela taim agensim bikpela karensi olsem US na Australia.

Em i tok gutpela nius em ol ekspota bin mekim gutpela winmani long intanesenel prais long wol maket taim ol salim ol prodak bilong ol.

Em i tok prais bilong ol samting bai kam daun long 5.5 pesen na bai kam daun long 5 pesen long 2016 i go long 2019.

Mista O'Neill i tok ol wok long nan maining sekta i bin gro long 3 pesen long pinis bilong Jun 2014 maski wok konstraksen bilong LNG i pinis.

Em i tok ol pipel bilong PNG bai kisim sevis long ol winmani bilong kantri long baset gavman bai plenim long ol yia i kam.

Dispela em 2015 K16.2bn mani plen bilong kantri

Administration	K2.5.36.1bn
Debt Servicing	K1,130.0bn
Economic Sector	K730m
Education	K1.909.9 bn
Law and Order	K2.732.9bn
Health	K1.578.4bn
Provinces	K3.670.5 bn
Social Sector	K139.5m
TOTEL	K16.2bn

K1.9bn bilong 2015 edukesen -Fri edukesen kisim K650m

Stanley Nondol i raitim

GUTPELA nius long ol papamama, gavman long 2015 mani plen bilong kantri i givim K650 milien long sapotim fri edukesen polisi bilong O'Neill gavman.

Long 2015 mani plen gavman i putim K1.9 bilien long sapotim edukesen sekta. Fri edukesen bai go het long neks yi. Gavman i putim K650 milien na i tok sampela mani bilong fri edukesen bilong 2014 i stap yet long tras akaun long ol skul bai yusim.

Tresera Patrick Pruiatch, i tok Dipatmen bilong Edukesen bai kisim K1.140 bilien long sapotim edukesen program bilong gavman.

Mista Pruiatch i tok gavman i luksave long bihain bilong kantri

na gavman bai sapotim fri edukesen long elementri skul i go long gret 12, na tu ol yunivesiti na vokesenel trening long kantri.

Minista Pruiatch i tok gavman i givim moa mani long 2015 baset bikos enrolmen o namba bilong skul sumatin long ol elementri, praimer i na haikul i go antap bikos long fri edukesen.

Mista Pruiatch i tok gavman tu i givim moa mani sapot long gavman i kisim moa tisa long skulim ol pikinini bikos namba bilong ol sumatin i wok long go antap bihaini long fri edukesen i kamap.

Dispela K650 milien fri edukesen mani bai go long 18,232 skul long 2015 na 11, 093 Elementri skul, 6453 Praimeri Skul, 410 Haikul, 228 Vokesenel Skul , 8 Nesenel Haikul 30 Pemited

Skul na 8 Spesel Edukesen skul.

Long K1.9 bilien, K70 milien bai go long Karikulum Developmen Meterel bilong teks buk na ol risos buk bilong ol tisa.

K12.2 milien bilong Nesenel Eksam bilong ol gret 8, 10, na 12 bilong 2015 na K11.7milien bilong baim ol ikwipmen bilong ol sekenderi skul insait long kantri.

Gavman i givim K62.5 milien long stretim ol infrastraksa bilong 7-pela yunivesiti bilong kantri, K40 milien bilong 13 Teknikel Koles, K40 milien bilong 8-pela Tisa Koles na K40 miien i go 8-pela Nesing Koles.

Mista Pruiatch i tok gavman i go het na bai givim dinau mani long ol tesiani sumatin long 2015 long husat sumatin i no stap long skolasip bilong gavman i ken kisim dinau bilong baim skul.

Infrastraksa kisim K2.2 bilien long 2015 baset

Stanley Nondol i raitim

GAVMAN i givim moa long K2.298 bilien long sanapim ol rot na bris o infrastaksa long kantri na ol rot na bris i kisim moa long K1 bilien.

Aninit long K2.2 bilien bai K238.9 milien i go long ol nesenel haiwe. Bai K150 milien i go long Hailans Haiwe na ol Siti rot (Mosbi na Lae) KK293 milien.

Plantu bilong ol infra-

straksa projek em Dipatmen bilong Woks bai menesim long mani mak bilong K1.94 bilien long 2015.

Maritaim Trensport invesmen K50.8 milien we Lae Pot Developmen bai kisim K23.6 milien na Maritaim Wataweis Sefti Projek bai kisim K27.2 milien.

Tresera Mista Pruiatch i tok gavman i lukluk long stretim olgeta transpot sekta long wara, graun na skai long strongom wok bilong developim

ikonomik bilong kantri.

Mista Pruiatch i tok gavman i givim K151 milien long Air transpot infrastraksa.

Sivil Aviesen Divelopmen Progrem bai kisim K121 milien na Pot Mosbi Intenesenel ples balus K30 milien.

Mista Pruiatch i tok K2.2 bilien bilong infrastraksa em long stretim olgeta transpot sekta, Komyunikesen, pawa, wara na ol arapela ki infrasatraksa sevis long kantri long helpim ikonomi bilong kantri

na helpim sindaun bilong ol pipel.

Em i tok gavman bai stretim rot, bris, na ol bikpela ples balus na ol bris long kantri bikos bikpela mani givim i putim pinis long baset.

Mista Pruiatch i tok gavman i putim K225 milien long PNG taun program.

Pot Mosbi na Lae pawa program bai kisim K118 milien, Pot Mosbi sewerej K50.6 milien na Nesenel Trens-misin Netwok bai kisim K10 milien.

Distrik bai kisim K5m moa antap long K10m DSIP

Stanley Nondol i raitim

GAVMAN long 2015 baset i tokaut olsem wanwan distrik bai kisim K5 milien moa anatap long K10 milien DSIP. Tasol em bai go stret long helt na edukesen program.

Tresera bilong kantri, Patrick Pruiatch i tok baset bilong DSIP long 2015 i stap long K890 milien na K110 milien long PSIP na wanwan LLG bai kisim K100, 000. Long dispela wanwan distrik bai kisim K10 milien na provins bai ksiim K5 milien.

Antap long en wanwan distrik bai kisim K5 milien tasol gavman i taitim dispela mani i go stret long helt na edukesen progrem tasol.

O'Neill gavman i tok mani bilong pipel i bai go stret long ol pipel long distrik na provins long givim sevis long planti manmeri na opim bisnis long ol bai sapotim ol yet.

Em i tripela yia bilong O'Neill gavman long givim K10 milien long

wanwan yia long wanwan distrik na K5 milien long wanwan provins.

Long 2012, 2013 na 2014 baset, gavman i putim K10m i stret long wanwan distrik DSIP trast akaunt. Em K30 milien olgeta.

Gavman i givim K2.67 bilien long DSIP insait long tripela yia.

Mista Pruiatch i tok gavman long namba wan taim i kamap wantaim DSIP polisi na givim bikpela mani long distrik long wok developmen bai kamap long ples.

Em i tok planti developmen i kamap pinis long ol distrik na provins bikos gavman i putim mani stret long distrik, provins na LLG.

Baset bilong LLG long 2015 baset i kam daun long K100,000. Long 2014 baset gavman i bin givim K.5 milien o K500,000 long wanwan LLG.

Minista Pruiatch i tok Total mani bilong DSIP i stap yet long DSIP tras akaun em K38.248 milien.

Provinsal Sekta kisim K3.7 bilien long 2015

Frieda Sila Kana i raitim

PROVINSAL sekta bilong 2015 baset i lukim fanding i go antap long K3.7 bilien wantaim moa risos i go long ol Distrik Edukesen Infrastraksa Program long mani mak bilong K267 milien na Distrik Helt Infrastraksa Program long mak bilong K178 milien.

Nesenel Plening na Monitaring Dipatmen bai lukautim pastaim ol mani bilong wokim moa edukesen na helt infrastraksa na bai ol i putim K3 milien long

edukesen o K2 milien long helt infrastraksa long wan wan distrik insait long kantri.

Minista bilong tresari, Patrick Pruiatch i bin tok long taim bilong givim aut baset long Tunde olsem dispela hap mani bilong helt na infrastraksa em i bilong dispela wok tasol na bai i no inap long ol distrik i yusim long mekim narapela wok olsem edministresen. Em i bilong kirapim moa klasrum, haus tisa, helt klinik haus, haus sik haus na ol bikpela wok olsem.

Mani i go long ol provins em i karamapim dispela K1,492 milien bilong wan wan yi we gavman i bin makim insait long K5 milien long wan wan distrik bai kisim bilong provinsal Sevis Impruvmen Program, K10 milien long wan wan distrik aninit long Distrik Sevis Impruvmen na K0.5 milien long wan wan Lokal Level Gavman.

Taim gavman i rausim ol mani long ol sekta alokesen, em i mekim ol provins na ol distrik i gat moa sans long yusim mani long

long wokim ol lokal developmen praioriti bilong ol. Bihain taim long ol narapela yia ol provins na distrik bai i no inap long kisim kain bikpela mani olsem i kam long nesenel baset long wokim ol bikpela projek.

Baset bilong wok long ol provins bai i go antap moa, bilong helpim ol provinsal edukesen long putim moa tisa na helt wok manmeri long wok na tu long putim moa mani long apim pe bilong ol olupela helt na edukesen pablik sevan long yia 2014 na 2015.

Oposisen bai blokim 2015 baset

Yakam Kelo i raitim

OPOSISEN bai blokim 2015 baset bilong O'Neill Dion gavman long neks wik Tunde bikos baset ya i no soim ol eria o hap mani bai go long en long karimaut ol wok.

Oposisen lida Belden Namah, lida bilong THE pati Don Polye, Pangu Pati lida Sam Basil na memba bilong Rabaul Kokopo Dokta Allan Marat i sanap wantaim na tokaut olsem gavman i kamapim wanpela giaman baset tru long Papua Niugini.

Oi Oposisen memba i tok taim Treseri Minista Patrick Pruaitch i bin tokaut long 2015 baset long Tunde dispela wik, wanpela hap buk we i soim ol ekspendisasi o ol wok, na eria bai mani go long en em gavman i no soim. Dispela buk em ol tok em Volum 3 buk we gavman i no putim aut.

Dispela em bikpela samting tru insait long baset bikos yumi mas save long ol wok na eria we hamas mani bai go long en long karimaut ol wok, ol lida i tok.

Olsem na ol Oposisen memba i tok dispela em wanpela giaman baset o trik pasin gavman i laik mekim antap long baset we em wanpela bikpela samting long ranim kantri long olgeta wok na developmen bilong em.

Oposisen i tok maski ol no gat



Oi oposesen, Belden Namah na Don Polye.

namba, ol bai askim olgeta memba bilong palamen long yusim gutpela tingting na save bilong ol long luk-save long dispela hevi na no ken sapotim baset yet inap olgeta pepa na rekot bilong baset i stret.

Pati Pati lida Sam Basil i tok planti memba bilong palamen i gat mani olsem K3 milien i stap yet long kisim insait long Distrik Sapot

Impruvmen Program (DSIP) bilong ol.

Olsem na ol save olsem Praim Minista Peter O'Neill bai givim aut ol dispela mani long ol memba long wanbel na sapotim baset long neks wik Tunde. Olsem na ol askim ol memba long yusim stret gutpela tingting bilong ol na blokim baset bikos dispela baset i no gutpela

baset na bai bagarapim ol pipel bilong yumi long neks yia.

Oposisen lida Belden Namah i tok Praim Minista Peter O'Neill i gat planti kain kain kot i sanap egensim em na tingting bilong em i no stret moa olsem na em inap mekim bikpela asua olsem long kantri long taim bilong baset. Olsem na em mas risain bikos em no fit moa long

stap olsem Praim Minista bilong kantri.

Dokta Allan Marat i tok sapos gavman i go het na pasim 2015 baset wantaim namba em gat, maski dispela ekspendisasi ripot (volum 3) i no redi yet, ol bai kisim dispela go long Suprim Kot long skelim dispela disisen na eksen bilong gavman bikos baset em olsem wanpela lo bilong kantri we i save kamap long ranim kantri olgeta yia.

Dokta Marat i tok dispela baset em giaman baset na gavman wantaim Tresera i save olsem ol mekim asua pinis tasol ol go het na putimaut long palamen long aste.

Mista Polye i tok tu olsem gavman bin kisim 5-pela wik malolo long sindaun gut na stretim dispela baset tasol bilong wanem na ol mekim dispela bikpela asua long baset bilong kantri.

Gavman inap long surukim palamen go long Fonde tude na larim ol opisa na saveman i redim gut baset orait ol ken kamapim tude. No gat man i pusim ol long hariapim baset bilong kantri.

Oposisen i gat tasol 7-pela memba na ol bai putim tingting na strong bilong ol antap long gutpela tingting na save bilong olgeta memba long skelim gut dispela baset olsem em i no stret na traim blokim taim palamen i vot long neks wik Tunde.

Gutpela lidasip i kamapim gutpela wok

Frieda Sila Kana i raitim

PAPUA Niugini nau i lukim planti kain, kain infrastraksa wok i kamap long ol rot, haus sik haus, skul haus na planti moa developmen wok i kamap bihainim ol plen bilong gavman bikos PNG i gat gutpela lidasip i stap.

"Kantri bilong yumi i kisim blesing bilong God, tasol ol baset bilong yumi i mas kamap gutpela baset we i no ken putim hevi long ol tumbuna lain bilong yumi long bihain wantaim planti dinau mani long bekim."

Dispela em i toktok bilong Minista bilong Nesenel Plening na Monitoring, na Memba bilong Alotau, Charles Abel, taim em i bekim tok bilong wanpela man i ring long Tok bek so long FM100 we i bin kamap aste long Pot Mosbi.

Mista Abel wantaim Minista bilong Fainens, James Marape i bin go long FM100 tok bek so long



Charles Abel, Minista bilong Nesenel Plening na Monitoring.

tokaut moa long 2015 baset na 2014 saplimenteri baset.

Mista Abel i tok, Praim Minista O'Neill em i gat gutpela pasin bilong lidasip wantaim klia tingting bilong helpim ol liklik manmeri bilong

Papua Niugini, olsem na mipela ol leftenen olsem raitan man bilong em i bihainim tasol tingting bilong em long mekim gutpela wok developmen wantaim mani em i blesing bilong God long kantri bilong yumi.

Gavman i putim moa mani i go insait long infrastraksa o wok bilong kamapim gutpela rot bilong ol pipel i ken painim helpim na kirapim wok bilong ikonomi, painim rot bilong edukesen na helt long strong bilong ol yet.

"Mi save harim long olgeta distrik mi go long en olsem gutpela wok i kamap, na ol pipel i gat ol samting i stap bilong salim bilong kisim mani, tasol ol i no gat gutpela rot na gutpela infrastraksa," Mista Abel i tok.

"I gat planti gutpela stori wankain olsem long distrik bilong mi we sampela mama long bus stret long Cape Vogel i bin kamap namba wan taim long Alotau na salim ol samting bilong ol long taim turis sip i kam sua. Bilong wanem ol i bin kalap long sip bilong gavman long bris bilong solwara we DSIP mani i kamapim na ol i ran long rot we gavman i stretim aninit long infrastraksa program. Namba wan taim

ol dispela meri i kisim K100 long wan wan nekles ol i salim na ol i kisim K15,000, baim samting long taun na i go bek long wankain rot ol i kam long en," Mista Abel i tok.

Long wankain taim, Minista bilong Fainens na Memba bilong Tari-Pori, James Marape i stretim tingting bilong sampela lain olsem, gavman i no mekim gutpela pasin long i no givim wankain mak mani long oposisen.

Mista Marape i tok, gavman i givim K9 milien long wan wan memba bilong oposisen long 2014 baset alokesen na K5 milien long wan wan memba wankain olsem ol narapela memba.

"Mipela i luksave long ol dinau olsem UBS lon na mipela i painim nupela mani bilong mipela yet long Oil Search long lukautim dispela lon. Planti dinau mipela i kisim em bilong bipo ol gavman tasol nau mipela i redim baset bilong bekim isi, isi," Mista Abel i tok.

Ol meri long ol tarangu kantri i gat rot bilong pasim bel

WANPELA ripot bilong Famili Plening 2020 (FP2020) i bin kamap long London, Inglan i bin autim namba tu ripot bilong wok i go yet en wantaim wan stori bilong ol wok mak i kamap pinis long 2012 London Samit o bung bilong Famili Plening.

Ripot i soim ol wok i kamap yet, long het tok bilong helpim 120 milien meri na ol yangpela gel moa insait long 69 kantri.

Wanpela bilong ol em Papua Niugini, we i gat ples bilong ol mama na ol yangpela meri i ken kisim

famili plening toksave, sevis na saplai bilong ol marasin samting i go inap yia 2020.

Long yia 2013, ripot i soim olsem namba bilong ol mama na ol yangpela gel husat i kisim famili plening long stopim o spesim pikinini em i go antap long 8.4 milien.

Dispela sevis bilong mekim famili plening i go long ol meri i pasim ol long kisim bel nating i daunim mak i go long 77 milien, i winim 75 milien bilong 2012 we 125,000 mama i dai long taim bilong karim, i go daun moa long mak bilong 120,000

i dai long 2012. Na 24 milien i rausim pikinini long bel ausait long haus sik, i winim 23 milien bilong 2012.

"Tingting bilong kisim bel i mas kamap long laik bilong meri, na em i no ken kamap nating," Dokta Babatunde Osotimehin, Eksekutiv Dairekta bilong UNFPA, Yunaited Nesens Populesen Fan, and na Ko-Siaman bilong FP2020's Referens Grup, i tok.

"Mipela i amamas long helpim bilong FP2020 long moa mama na ol yangpela gel i kisim toksave long

namba wan human rait bilong ol. Famili plening em i wanpela gutpela invesmen yumi ken mekim long strongim ol meri long wok, helpim ol long kamap wankain mak olsem ol man, kamapim developmen i stap longpela taim na kirapim gutpela sindaun yumi laikim long bihain taim," Dokta Osotimehin i tok.

Miting bilong Famili Plening long 2012 i strongim ol wok i kamap pinis long planti yia i go pinis long bringim gutpela pasin bilong spesim pikinini o stopim pikinini na

helpim ol meri long karim pikinini long taim ol i laikin, na i no long kamap nating.

Oi bikpela tingting bilong ol gavman bilong ol liklik kantri na ol dona komyuniti i wok long karim kaikai wantaim FP2020. Em i soim olsem sevis i wok long go long ol yangpela gel na boi moa.

FP2020 i gat strongpela tingting yet long wol i mas kamap long mak bilong 120 milien mama na ol yangpela gel i mas gat sans long kisim save long pasim bel, kisim sevis na saplai long mak bilong yia 2020.

Hela Kristen lida bung long senisim asples

OL Kristen lida bilong Hela provins insait long Nesenel Kepital Distrik i bin kamap na bung wantaim long las wik long painim rot bilong stopim trabel long wanpisin pait insait long Hela provins.

Las wik ol niuspepa i bin tokaut olsem 20 o moa pipel i dai pinis long dispela pait i kamap namel long tupela lain wanpisin, Linabini na Paibali insait long Tari distrik bilong Hela provins.

Gavman bilong Hela i bin wanbel long putim K2 milen long kisim 100 moa polis na soldia long helpim long stopim dispela pait we i bagarapim sindaun bilong ol pipel, na stopim bisnis na skul long go het.

Long dispela as, sampela Kristen lida, ol pasto bilong Hela insait long NCD i bung na mekim singaut long olgeta Kristen bilong Hela wantaim ol pastor husat i go pas long ol pipel olsem ol i mas bung na tok sori long ol rong bilong ol lida na ol pipel bilong Hela. Biahin bai ol i ken askim God long lusim rong bilong ol na em bai mekim gut long graun bilong ol. Em ol i bihainim tok bilong God i stap long 2 Stori 7:14 - 18.

Pastor Daniel Hewali, i kodineta bilong prea bilong Bodi bilong Kraus grup long Pot Mosbi i tok givim moa mani em i wanpela hap ansa bilong dispela hevi. Bikpela ansa em i stap long prea na bihainim pasin bilong God. Bilong wanem, em spirit no gut i wok long stiaim ol man long go pait, na stap baksait long ol dispela pait na trabel olsem Efesis 6:12 i tok.

Sampela ol lidaman bilong sios insait long siti i wanbel tru long dispela tingting na ol i kamap long namba wan bung prea taim long las wik Fonde.

Long dispela wik bai ol i toktok moa long wanem kain rot ol bai muvim dispela wok bilong prea na bringim senis long Hela long kamap.

Ol i tok prea em i faundesen o as bilong provins bai stap gut na amamas long blessing God i givim ol.

Pastor Daniel i tok, olsem long buk song 133 sapta, tok i stap olsem, taim ol brata i stap wanbel, God bai salim blessing i kam antap long ol. Ol pikinini bilong Hela i mas stap wanbel long tripela distrik na luksave igo long Enga provins tu.

"I gat blessing taim yuniti i stap. PNG bai kisim blessing taim sios olsem bodi bilong Kraus i kam bung wantaim. Mipela singaut long 4-pela brata long Hela long kam na bung wantaim na tok sori na God bai harim prea bilong ol," Pastor Daniel i tok.

John Emena, wanpela strongpela Kristen bilong Asembli ov God Sios na i save mekim wok olsem wanpela pablik sevan wantaim Nesenel Hausing Kopresen i tok olsem, "Papa God blesim Hela wantaim bikpela risos (LNG), na em blesim tu PNG. Ol pipel i mas istap gut na no ken pait. Ol i mas tok tenkyu long God, na istap isi. Em bai kamap long prea, olsem na mi askim ol pikinini bilong Hela, ol bilip man meri istap long hap long Hela na narapela provins long tanim bel na pre, wankain olsem mipela wokim long Mosbi, na pait bai stop na bel isi bai kamap long Hela provins."

Pastor Daniel wantaim ol narapela lida bilong Hela bung sios long Pot Mosbi i laikim ol sios lida bilong Hela husat i stap long Hela yet olsem ol i mas bung wantaim na kamapim taim bilong tanim bel na prea long daunim dispela hevi nau i stap long ples. Na provinsel gavman i mas sapotim long givim ol risos.

Long Mosbi bai ol i save pre long olgeta Fonde apinun.

Maprik LLG Putim aut 5 yia plen

MOA long ol Lokal Level Gavman (LLGs) i wok long lukim sampela gutpela senis i kamap long K500,000 developmen mani ol i kisim i kam long Sevis Impruvmen Program(LLGSIP) i go stret long wan wan LLG long kantri.

PLanti lain LLG i tok ol i amamas long pasin we O'Neill-Dion Gavman i mekim long dispela kain mani i go stret LLG na i no bungim wantaim K10 milen bilong Distrik Sevis Impruvmen Program (DSIP) we Open Memba na Provinsel Sevis Impruvmen Program na (PSIP) K5 milen fanding we provinsel gavman i lukautim.

Dispela mani i wanpela hap bilong K1.5 bilon bilong developmen gren i go long sab-nesenel gavman sekta em ol provins, distrik, na LLG insait long 2014 aninit long gavman bilong O'Neill-Dion Gavman. Dispela em wanpela kain nupela wok i no save kamap bipo stat long taim bilong independens yet i kam.

Tasol ol dispela mani em i no bilong wanpela memba o edministresen long yusim nating. I gat lo bilong en i tok olsem ol i mas bihainim fainensol gaidlain

o instraksen (FI) i kam long Dipatmen bilong Fainens we i save lukautim Fainens Menesmen (Management) Ekt (FMA) i kam wantaim 30 (%) pesen i mas go stret long wok bilong infrastraksa, 20 pesen bilong edukesen, 20 pesen bilong helt, 10 pesen long ikononik na egrikalsa, 10 pesen tu long lo na oda wok na las 10 pesen bilong edministresen na ol kos i save kamap olgeta taim.

Ol LLG i wok long save nau long bihainim dispela nupela sistem bilong yusim mani na bihain givim ripot bilong wok bilong dispela mani o akwital. Nau em i namba wan taim bai ol i mekim bilong yia 2013-2014 akwital i go long Dipatmen bilong Implementesen na Rurel Developmen (DIRD), em i monitoring ejen bilong Stet.

Dispela invesmen em i gutpela tru long kamapim gutpela strong na save long infrastraksa bilong dispela kantri long kamapim gen wanem sampela ol pastaim long independens taim Australia gavman i no bin wokim taim ol i stap na bosim kantri. Sapos yumi lukluk long kantri India, piksa em i olsem, pastaim, kolonaisa bilong ol,

Briten, em i putim olgeta bikpela infrastraksa pinis long strongim nesen bihain na ol i givim independens na ol i go.

Bumbita Muhian LLG Presiden, Philip Koni, bilong Maprik distrik long Is Sepik, i tok, "Mi hangre long bringim sevis i go long ol 19,000 pipel insait long 17 wod bilong LLG bilong mi wantaim dispela kain mani long han. Mi laik tok tenkyu tru long O'Neill-Dion Gavman long dispela fanding."

"Wantaim helpim bilong LLG Menesa na ol pablik sevan long hia, mi bin inap long putim mani long kamapim ol rot, skul na et pos insait long LLG, i winim olgeta taim long bipo. Tasol mi laikim dispela mani mak i mas go antap moa bikos K500,000 i no inap," Mista Koni i tok long nius konpresen las wik.

Em bin stap wantaim ol narapela LLG presiden bilong Maprik: Ian Samuel (Maprik Wora LLG na is Sepik Deputi Gavana), Robert Sedian (Albiges Mamblep LLG), Carl Sangi (Yamil Tamaui LLG), na Paul Dingu, Maprik taun namba wan meiya na presiden bilong nupela Maprik Eben LLG long Pot Mosbi las wik taim ol i

kamap long givim ol 5 yia LLG developmen plen bilong ol i go long DIRD Seketeri, Paul Sai'i.

Taun Meya bilong Maprik i askim Seketeri Sai'i long "givim luksave" olsem Maprik i no bin kisim K500,000 LLGSIP gren mani bilong 2014 na tu em i no bin kisim wanpela narapela gren mani i kam long nesenel gavman long kirapim wok, long taim em i bin kirap olsem eben LLG long 2012.

Seketeri Sai'i i autim wari bilong em na i tok, "Mi toksave long dispela i go long Minista Charles Abel."

Em i tok amamas long Maprik MP, John Simon long lukluk i go pas na kirapim ol LLG presiden bilong em long mekim ol 5 yia plen bilong ol. for the foresight in getting his LLG presidents in order and to.

Tasol, Mista Sai'i i tok ol plen tasol i no inap na em i tok, "Mi bai olsem Thomas, i no gat bilip inap mi lukim samting long ai bilong mi we mi ken holim na tu em i mas stat sanap tru olsem etpos i sanap, skul i sanap, long mi save mani i go i stret long wok bilong en.

Sensosip Opis kisim IFMS Trening

AKAUN seksen bilong Sensosip Opis nau i wok long kisim trening long yusim Integreted Fainensol Menesmen Sistem (IFMS).

IFMS em i wanpela projek bilong Dipatmen bilong Fainens we i bin stat long 31 Oktoba na bai pinis long tomora.

Long taim Nesenel Ekskyuetiv Kaunsil (NEC) i bin givim tok orait bilong fainensol atonomi long namba tu kwota, Sensosip Opis i givim dispela tok orait i go long Dipatmen bilong Fainens long lukautim akaun sistem long 2015.

"Dispela trening em i bilong kamapim gutpela save na pasin bilong wok long ol opisa long wokim ol kes flo, ol waren na Kes Fan Setifiket (CFC) we i save givim tok orait long yusim mani," Misis Dellah Toanare-Soagili, Senia Fainensel Trena i tok.

Tupela opisa bilong Prait Minista Dipatmen tu i bin kisim dispela Baset Eksekusien trening na ol i tok olsem dispela tening em i bikpela samting long wok bilong ol opisa i go pas long wok bilong baset.

Long wankain taim, Dipatmen bilong Fainens i tok Sensosip Opis bai yusim dispela akaun sistem (IFMS) na bai kisim ples bilong olupela sistem, PGAS.



Akaun opisa Mis Nancy Frank i stap long trening.

Olsem na ol akaun opisa i kisim trening wantaim IFMS tim long lainim ol topik olsem, We

bilang IFMS, We bilong go insait long ol hap bilong sistem, CFC Menesmen, Baset Mentenens,

Baim samting sistem, AP, Jeneral Lesa na Risit.

UOG i wok bung wantaim TVWAN

YUNIVESITI Bilong Goroka (UOG) i wok bung wantaim nupela televisen stesin, Digicel Play TVWAN. OI i bin lonsim wanpela film kompetisen long Sarere bilong ol sekenderi na tseseri sumatin long Papua Niugini.

'Get Konekted'em i kompetisen bilong ol sumatin krismas bilong ol i namel long 18 na 25. Sapos yu laik joinim dispela kompetisen, yu ken kisim entri fom na tok save pepa long ol Digicel stua i stap klostu long yu.

Husat sumatin i gat laik i

ken raitim wanpela skrip storibod bilong TV edvetaismen long 30 i go 60 seken bilong ol Papua Niugini i ken konekt wantaim Digicel Plei na TVWAN Sanel.

UOG Vais Sensela, Dokta Gairo Onagi i tok 'Get Konekted' kompetisen em i bikpela piksa bilong gavman na praivet sekta i bungim ol geta komyuniti. Em i tok dispela kompetisen em i bilong ol sumatin husat i gat laik long skul o wok wantaim piksa na TV prodaksen long bihain taim.

Man i go pas long Digicel

Play Maketing, Jack Bourke, i tok 'Get Konekted' kompetisen bai kisim ol sumatin i gat laik long kamapim edvetaismen i tokaut long ol Papua Niugini - wanem hap ol i save stap - ol i ken konekt wantaim na nupela TVWAN sanel.

Em i tok moa olsem TVWAN bai soim spots, laip stail, program bilong ol sumatin, komedi, nius karent afes na ol dokumentri. Ol bai wokim 20 pesen lokal konten.

Mista Bourke i tok 6-pela sumatin husat i givim 6-pela

naispela storibod bai kisim nupela Smat Fon, tupela Woksop bilong wokim piksa long Yunivesiti bilong Goroka, balus tiket bilong na kam na rum bilong slip long seven-stori domitori long UOG olsem prais bilong ol.

Digicel bai i soim edvetaismen bilong husait i win long komesel bilong TVWAN. Ol 6-pela wina bai go long dispela Woksop, long 16 i go inap 19 Janueri Mista Bourke i tok.

CEO bilong Digicel i givim K75, 000 longVais Sensela bilong UOG.

Jun Veli Praimeri skul kisim helpim long Australia polis



Ol sumatin bilong Jun Veli Praimeri skul tok tenkyu long Mac Millar donetim 50 nupela soka bal.

Joylyne Karato i raitim

OL polisman bilong Australia (AFP) husat i wok bung wantaim ol PNG polis i givim aut 50 nupela soka bal long Jun Veli Praimeri skul insait long Nesenel Kapitel Distrik long dispela wik Tunde.

Dispela em i stat bilong dispela prisentesen projek we bihain, ol bai lukluk long ol skul insait long ol setelmen long Mosbi, na tu, insait long Lae siti.

Asisten Komisina bilong Australia Polis, Allan Scot i tok, as tingting bilong dispela projek em long lainim ol pikinini long pilai spots na bai lus tingting long pasin bilong dring bia na simuk taim ol i go bikpela.

Dispela ol soka bal i kam olsem presen bilong wanpela liklik boi bilong Australia, em Mac Millar husat i gat 10-pela krismas.

Em i bin statim dispela projek wantaim kantri Afganistan na long narapela kantri we pait i save kirap long em.

As ting ting bilong dispela yanpela mangi long statim dispela projek em long kamapim bel isi pasin insait long ol komyuniti ol i stap long em.

Sif Superintenden Dominic Kakas, i tok ol i gat bikpela amamas long ol Australlia polis na liklik boi we pasin bilong luksave long ol sumatin bilong Papua Niugini i stap.

Het tisa bilong skul, Misis Yamo i kisim maus long bot bilong skul, ol tisa, sumatin na ol papa mama na tok tenkyu long ol AFP long makim skul bilong em long statim prisentesen projek bilong ol.

Nevi sip bilong Amerika i kam raun long PNG

WANPELA Nevi Sip bilong Amerika ol i kolim Safe Guard i kam stap tupela de long Pot Mosbi na bai go long Rabaul.

Long Rabaul bai ol i traim painimaut ol man i dai na lus long Wol Woa 2 (WW2) na tu painimaut ol ples we woa i bin kamap.

Ol i kam bilong painimaut 2000 soldia bilong Amerika husat i lus we ol i no bin go bek long kantri bilong ol taim woa i pinis.

Amerika salim dispela tim i go painimaut ol dispela soldia bilong em long ol eria we WW2 i bin kamap.

Dispela tim bai mekim wanpela risets ol kolim (JPAC) long Rabaul eria long helpim ol i kisim ripot bilong ol ples we pait i bin kamap.

Bai ol i putim ol dispela long stadi bilong ol long bihain taim long helpim ol, na tu ol Difens bilong kantri bilong ol.

Wanpela askim ol i putim olsem sapos wanpela man i painim sampela samting bilong WW2 na eria we balus i bruk na stap long en, ol i ken



Ol sumatin bilong Hohola Yut Developmen Senta i raun i go antap long sip taim em i kam sua long Mosbi. Foto: US Embasi Midia

tok save i kam long Joses Veleke long namba 03211455 2190 o mobail 72009414.

Developmen Yut senta bilong Hohola NCD i gat sans long bungim ol dispela tim

we ol i lainim planti nupela samting we em bai helpim kantri bilong taim yumi bungim hevi long solwara.

Na tu ol i gat bikpela sans long kisim ol ikwipmen long putim na go sevim narapela

man i bungim hevi taim em ran long wara.

Ol i skulim ol tu long operetim sip long helpim man long tupela de ol i bin stap long Mosbi.

10- pela refuji bai kamapim nupela sindaun long PNG

MINISTA bilong Foren Afeas na Imigresen, Rimbink Pato, i tokaut long wanpela miting wantaim Minista bilong Foren Afeas bilong Australia olsem em i tingting long senisim laip bilong 10-pela refuji insait long PNG.

Em i tok em i mekim disisen long 10-pela lain long larim ol i fri long 12-pela mun inap em i luksave gut na kamapim ol olsem Papua Niguni sitisen, na ol bai i no inap go bek long kantri bilong ol.

Minista Pato i tok moa long em i ken larim ol dispela lain i wok long PNG we ol i ken helpim wantaim ol save ol i gat long en. Dispela bai soim olsem kantri bilong yumi bai kisim bikpela helpim long ol dispela lain.

Bipo long ol i ken kamap sitisen bilong PNG, ol bai kisim skul long tok Inglis, Tok Pisin na tu ol bai lainim ol pasin na we bilong dispela kantri, na stadi gut long laip stail bilong yumi.

Tenpela man em Minista Pato i makim pinis long kamap ol sitisen bilong PNG. Ol dispela man i kam long ples Pakistan, Afganistan na Miyenna.

Dispela ol man bai wok long PNG long sait bilong wok akauntent, ejinia, wokim ol bilas olsem nekles na ring, na tu helpim yumi long sait bilong wokim kilok.

Minista Pato i tokaut kilia long ol Wes Papuan husat ol i pret long birua long ples bilong ol, na kam

stap lond dispela kantri inap long 8-pela kirismas olsem ol i ken stap fri osem em i mekim long ol 10- pela man.

Em i tok dispela em i wanpela gutpela plen yumi bai kisim bikpela helpim long dispela lain husat i pret long birua long ples bilong ol na i kam stap long dispela kantri.

Em i tok tu olsem ol i ken amamas long PNG gavman long luksave na lukautim ol.



MINISTA bilong Foren Afeas na Imigresen, Rimbink Pato.

Global konvensen long strongim helti kaikai

Nupela Ripot bilong sik ebola

PAS i go long Margaret Chan na Jose` Graziano Da Silava olsem tok i go pas long namba tu intenesenel konpres long nutrisen (ICN2).

Long dispela wik, helt ministra bilong olgeta riji long wol i bung long Rome insait long bikpela Namba tu Intenesenel Konpres long Nutrisen (ICN2), na ol i bung wantaim Wol Helt Ogenaisesen (WHO) na Fud na Egrikalsa Ogenaisesen (FAO). Wanpela Politikol Autkam pepa bilong ICN2 i tokaut long wanpela '10 yia plen bilong nutrisen' wantaim mak bilong pinisim malnutrisen o sik bun nating olgeta.

Stat long 1980 i kam,

wanpela sik bilong bodi i gro bikpela tumas o pat tumas i kamap bikpela tumas na Taip 2 daibitis sik i go antap tru na i givim moa hevi long Non Komunikebel Disis. Gavanens bilong fud prodaksen na distribusen i no mas i stap olsem samting long sait bilong ikonmik tasol.

Long kamapim we bilong gutpela balens kaikai na kamapim gutpela helti populesen, i mas gat sampela polisi long kaikai helti kaikai. Dispela em gavman i mas kisim wok long kamapim ol lo long wanem kain kaikai i stap long maket. Kain olsem, ol maketing lain i no ken edvetaisim ol kaikai no gutpela long ol pikinini i

lukim na long kontrolim wanem kain samting i go wantaim ol kaikai ol i salim.

Long kamapim dispela taget long pinisim malnutrisen olgeta, singaut i go long ol memba kantri long sapotim wanpela triti long kamapim helti, na gutpela sas-tenebel fud sistem. Em i ken kamap wanpela olsem Fremwok Konvensen bilong Tobako Kontrol we i soim gutpela sain pinis.

Ol i draftim pinis wanpela **Global Konvensen long Banisim na Promotim Helti Daiet o kaikai** na i gat 322 wan wan manmeri na ol ogenaisesen i sainim nem long sapotim dispela konvensen.

Joylyne Karato i raitim

EBOLA taspos i trenim ol nes long las wik Fonde husat bai go pas long sekim helt bilong ol man i gat sain bilong sik ebola i kam long Papua Niugini.

Epidiomolojis na Dokta Boris, man husat i go pas long dispela wok i tok ples balus bai mekim bikpela wok long painim aut long taim ol man i stap long narapela kantri na i laik kam long PNG.

PNG Difens Fos i wok bung wantaim dispela taspos tim long luksave long ol man husat i gat dispela sik na bihain salim ol i go long tripela eria olsem Goldie, Pot Mosbi Jeneral Haus sik we ol bai kisim marasin na stap.

Dokta Boris i tokim ol niuslain

tu long ol risets em i mekim long Afrika we em i go stap tupela wik. Em i tokaut long ol sain ol i bin painim aut, na we bilong daunim dispela sik.

Em i tok osem i n gat klia sain bilong dispela sik, tasol ol i ken luksave taim wanpela i traut na tu pekpek wara, baksait i pen na het i pen.

Ol i save osem dispeala em i sain bilong sik ebola.

Wanpela gutpela sait bilong dispela sik ol i bin painim aut olsem, taim yu go long haus sik na kisim marasin, em bai pinis olgeta. Na yu bai i no moa gat dispela sik long bodi bilong yu.

Em i lukim ol lain long kantri Liberia long Afrika we dispela sik i bin stat long em.

Wankain osem Papua Niugini we ol setelmen i pulap long man na tu, em yumi gat wankain graun na laip stail.

Papua Niugini na ol Pasifik kantri i no bin kisim dispela sik yet, tasol ol i ken redim ol yet pastaim sampela samting i ken kamap.

Dispela as ol i saspek pinis olsem Amerika na Spain bai gat dispela sik klostu taim bikos olgeta man na meri long Afrika husat i gat dispela sik i go kisim marasin long ol hap ya.

Dokta Boris i tok tenkyu long helpim bilong media tim long wok wantaim ebola taspos long kisim ol awenes long dispela sik i go aut long ol ples longwe.



Redi long EBOLA

No gut yu ting olsem ol astronot o ol pilot bilong roket i sanap stap. No gat em ol lain bilong Fil Epidemoloji Trening Program long PNG, ol i redi long pait wantai nupela kain sik EBOLA.

Ol dispela spesol tas fos bai i stap long fran lain bilong wok bilong daunim EBOLA long PNG. Ol i soim ol long putim pesenel protektiv ikwipmen taim ol i laik lukim wanpela man o meri husat i soim sain bilong dispela sik. Nesenel Dipatmen bilong Helt wantaim Yunivesiti bilong Papua Niugini na Hunter-New England Helt Distrik (Australia) i bung na holim dispela trening long Bluff Inn Motel, ausait tasol long Pot Mosbi.

Piksa na stori: Steven Busin bilong WHO

Gavana Jeneral i luksave long hatwok bilong ol meri



CPL Praid ov PNG Awod. Gavana Jeneral, Gren Sif, Sir Michael Ogio na Ledi Esmie Ogio i sindaun long fran na kisim poto wantaim ol 6-pela wina bilong ol awod na ol jas bilong ol long Stet Fangsen Rum las wik.

GREN Sif na Gavana Jeneral bilong Papua Niugini, Sir Michael Ogio, i amamas na tok tenkyu long 6-pela meri nating husat i go pas long helpim na givim sevis I go long ol man na meri insait long wan wan komyuniti bilong dispela kantri.

Em i tok strong bilong dispela ol meri yet i daunim ol hevi we ol i no kisim mani helpim long gavman o wanpela memba bilong ol long

stretim kain hevi na sindaun insait long komyuniti.

Ol yet i yusim wanem samting ol i gat long em long lukim ol nid na hevi bilong pipel nsait long komyuniti.

Em I tok dispela ol meri i gat bikpela lewa long ol pipel bilong ol we nogat wanpela meri nating long narapela kantri bai inap mekim long em.

Wok ol i mekim em bai kamap osem wanpela driman bilong ol meri bilong ol Papua

Niugini long bihain taim.

Gavana Jenerel i tok yumi mas lainim ol samting we 6-pela meri i wokim na kisim piksa bilong ol na go mekim long wanem hap yumi kam long en long stretim laip na sindaun bilong ol komyuniti we ibungim hevi na stap.

Em i salensim ol narapela meri long kamap osem ol dispela 6-pela husat i go pas na lukim na stretim ol hevi wantaim mani na save bilong ol yet.

Em i strongim ol dispela wina long wanpela toktok olsem, "yupela i no ken pret maski yupla i liklik grup. Yupela sanap strong long wok we yupela I mekim nau. Yupela inap long senisim dispela wol."

Sir Michael i tenkyu long City Pharmacy long luksave long ol kain meri husat gat gutpela ting ting long kantri long givim prais long ol, na em i amamas long selebret wantaim ol.

2014 Praid bilong ol meri – PNG Awod Wina

SIKSELA meri moa i winim prais long 2014 CPL Praid bilong PNG na ol i kisim luksave long las wik insait long Stet Fangsen Rum bilong haus Palamen.

Gren Sif, Sir Michael Ogio, Gavana Jeneral bilong Papua Niugini wantaim Ledi Esmie i bin stap olsem spesel ges long dispela awod nait.

Sikpela meri husat i kisim awod em; Monica Paulus long pasin bilong Breveri na Karis o long soim strong bilong em long helpim ol meri husat i kisim bagarap long toktok bilong ol pablik long pasin bilong sanguma. Mis Monica bilong Simbu provins em i wanpela volandia Human Rait wokmeri long Hailans rirjon inap long 10-pela yia.

Narapela meri em Janet Pawena Yaki husat i bin kisim awod bilong Kea na Kompason kategori. Dispela meri em i strong tru long winim 4-pela kain sik kensa long laip bilong em na tu em i gat sik atraitis, tasol em i strong long kamapim namba wan Stoma Asosiesen bilong PNG. Em i lukim hevi bilong ol narapela tu husat i gat sik Stoma olsem na em i kirapim PNG Stoma Asosiesen long yia 2010.

Long kategori bilong Komyuniti Spirit, Stella Waki i

kisim dispela awod. Insait long komyuniti bilong em long 8-Mail long Nesenel Kepital Distrik, Mis Waki i soim gutpela pasin long bungim ol meri long 8-Mail na kirapim wanpela meri bung ol i kolim 'Mogose Wimen's Asosiesen' we ol i ranim wantaim ol wok bilong kamapim mani o inkam jeneresen. Ol meri memba bilong dispela asosiesen i save katim gras na klinim ples ausait long Nesenel Laibreri na Akaivs long kisim mani bilong asosiesen. Em i save soim pasin bilong laikim olgeta lain long komyuniti bilong em, olsem na haus bilong em i save pulap long kain kain man, meri na pikinini olgeta taim.

Jennifer Yunirame bilong Oro Provins em i winim awod bilong Edukesen Rol Model o soim gutpela piksa bilong meri insait long eduksen.

Wok tisa em i laip taim wok bilong Mis Rame. Maski wanem kain hevi i kam bungim em, em i stap yet olsem tisa stat long taim em i greduet long 1985 na ol i makim wanpela man bilong em husat i wanpela soldia long ami na bihain i kamap gavana bilong Sindaun provins.

Planti krismas bihain man

bilong em i save bagarapim em long bodi, tingting na mani sait. Long mun Mei 2004, Jennifer i helpim provins edministresen long painim aut wok paul bilong man bilong em long yusim ol mani bilong pablik. Dispela i mekim man bilong em i belhat na taim em i go long Pot Mosbi long lukim em, em i kisim gan na sutim em.

Mis Jennifer i no dai bikos ol dokta i sevim laip bilong em wantaim wanpela 10 aua operesen we em i kisim 72 stits na i bin stap long haus sik inap 2-pela yia olgeta. Em i kisim ritrens long dispela as tasol. Em i gat gutpela we bilong skulim ol sumatin, Tisa Sevis Komisen i singautim em bek long 2010. Bihain long dispela hevi we klostu i kisim laip bilong em, Jennifer i wok wok tisa yet long planti skul i stap long we long taun.

Ruthy Victoria Watlen bilong Nu Ailan provins i kisim awod long lukautim Environmen. Nem bilong Ruthy bai go insait long histori o tumbuna stori bilong Papua Niugini olsem em i namba wan meri long kisim Wod Kaunsila posisen long Nu Ailan. Em i kisim luksave long Gavana bilong Nu Ailan, Sir Julius Chan long pasin bilong em long go

pas long lukautim en-vairomen. Em i kamapim ol program olsem; Biutifikesen program long strongim wok bilong turis long provins, Wes menesmen program long tromoi ol pipia long seif ples, na em i bin kamapim wanpela lo bilong Litering na Rabis Damping nau ol i bihainim long Nu Ailan wantaim helpim bilong 6-pela Kavieng Eben Lokal Level Gavman Wod Kaunsila na ol loya.

Laspela kategori em bilong Yanpela Papua Niugini meri na dispela em i go long Mis Bronwyn Kili bilong Pot Mosbi.

Mis Kili em kamap long wanpela midia famili na em i stap olsem Presiden bilong Yut Adolesen Helt Kalb (YAH) long Jubilee Sekenderi Skul. Em i soim pasin bilong strongpela tingting long mekim gutpela wok na tingim ol narapela yangpela olsem em yet, na long helpim ol wantaim pasin na toktok bilong em.

Em i save toktok long Tokstret Redio program wantaim YWCA na em i save raitim gutpela stori. Papa na mama bilong em i save wok jenelis. Papa bilong en let Peter Kili na mama bilong en i senia nius ripota, Maureen Girawa.



Yut, Meri na Famili
Pastor
Barbara Lunge

Pasin bilong lusim rong bai opim dua bilong blesing

LUSIM rong bilong narapela em i wanpela samting bilong pait we yumi gat long yumi ken yusim gut long lukim blesing o yusim long bagarapim blesing.

Em i bikpela samting long yumi lusim rong bilong ol narapela husat i mekim rong long yumi bikos em i bagarapim laip bilong yumi na bilong ol narapela tu. Birua bilong yumi i save yusim ol pasin na toktok bilong yumi olsem ol spia long bagarapim yumi na ol narapela husat i stap klostu long yumi.

Satan i save olsem sapos em i ken bagarapim yumi wantaim pasin na toktok, em bai gat bekim bek pasin i stap. Wanem kain bekim i kam long yumi em i save soim olsem yumi putim karamap bilong klos pait na kamap olsem Jisas o nogat. Sapos wokabaut bilong yumi i bihainim Tok bilong God, pasin bilong yumi long taim narapela lain i bagarapim yumi em bai narakain long wanem samting birua i laikim yumi long mekim.

"Sapos ol i mekim pasin nogut long yupela, orait yupela i no ken bekim pasin nogut long ol. Nogat. Oltaim yupela i mas tingting long mekim pasin i gutpela long ai bilong olgeta man. Yupela yet i no ken tingting long kros na pait. Oltaim yupela i mas painim rot bilong i stap wanbel wantaim olgeta man. Ol pren tru bilong mi, yupela yet i no ken bekim rong ol i mekim long yupela.

"Yupela i mas larim God i belhat long ol...buk bilong God i gat tok olsem, 'Bekim rong, em i wok bilong mi. Mi yet bai mi bekim rong bilong ol na mekim save long ol. Tasol sapos birua bilong yu em i hangre, orait yu mas givim kaikai long em. Sapos em i dai long wara, orait yu mas givim wara long em. Sapos yu mekim olsem, bai yu mekim em i sem tru long ol pasin nogut bilong em. Yu no ken larim pasin nogut i winim yu. Nogat Yu mas mekim gutpela pasin na bai yu daunim pasin nogut." Rom 12:17-21.

"...Sapos yupela i lusim rong bilong ol arapela manmeri, orait Papa bilong yupela long heven em bai lusim rong bilong yupela tu. Tasol sapos yupela i no lusim rong bilong ol arapela manmeri, orait Papa bilong yupela em tu bai i no lusim ol rong bilong yupela." Matyu 6:14-15. "Sapos ol man i mekim nogut long yupela, orait yupela i mas prea long ol. Yes yupela i mas prea long em i mekim gut long ol. Yupela i no ken prea long em i bagarapim ol." Rom 12:14

Bikpela God i laikim yumi long soim ol prut bilong holi spirit na pasin bilong laikim narapela wankain olsem yumi laikim God.

"Olgeta pasin yupela i laik bai ol arapela manmeri i mas mekim long yupela, ol dispela pasin tasol yupela i mas mekim long ol. Dispela em i as tok bilong lo, na em i as bilong tok bilong ol profet. " Matyu 7:12.

"...., yupela olgeta i mas i stap wanbel na sori long olgeta man. Yupela i mas laikim tru ol arapela manmeri bilong God na marimari long ol, na lusim pasin bilong bikhet. Sapos ol man i mekim nogut long yupela, orait yupela i no ken bekim. Sapos ol i tok nogut long yupela, orait yupela i no ken bekim tok nogut bilong ol. ...Yupela i mas beten long God i ken mekim gut long ol. God i bin singautim yupela long mekim olsem, bai yupela yet i ken kisim blesing bilong en. Yumi save, 'Sapos man i laik bai laip bilong en i kamap gutpela, na em i laik lukim gutpela taim, orait em i no ken mekim ol tok giaman.'" 1 Pita 3:8-10.

Yu na mi bai tanim bel long strongpela bel na lusim rong olsem bai Papa long heven i ken lusim rong bilong yumi na larim gutpela taim i kam long yumi.

Ol Papua Niugini i mas kirap na soim ol prut bilong spirit!!!

Glori bilong God nau i kam antap pinis long nesen bilong yumi olsem wanpela holi graun we Jisas Kraus i baim bek wantaim blut bilong em yet!!!

Pinis.

Toksave: Ol mama i gat wari, tingting planti, bel hevi yu mas ringim mi na bai mi helpim yu. Raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com

Pop Francis askim strong ol G20 long tingim ol tarangu

Ol 20 kantri i gat bikipela na strongpela ikononi long wol ol i kolim ol long G20, i kisim askim long tingim na mekim samting long helpim ol tarangu na ol yangpela pipel long wol planti i no gat wok.

Strongpela askim bilong em i go long Praim Minista bilong Australia, Tony Abbott, husat i wanpela Katolik tu, insait long wanpela pas em i salim i go long em long las wik.

Ol G20 kantri i bin holim bung bilong ol long Brisben, Australia long wiken.

Ol G20 kantri em Argentina, Australia, Brazil, Canada, Saina, Yuropien Yunien (EU), France, Gemani, India, Indonesia, Italy, Japan, Mexico, Rusia, Saudi Arabia, Saut Afrika, South Korea, Turkey, Yunaitet Kingdom na Yunaitet Stets.

Pop Francis i amamas olsem man Australia i kamap olsem presiden bilong dispela bikipela G20 group bung we i gutpela sans

long olgeta bikipela na strongpela mani kantri long luksave long ol bikipela kontribusen bilong Oseania o Pasifik long menesim ol "world affairs o ol bikipela samting long ol kantri long dispela graun.

Long pas bilong em, Pop Francis i bin askim strong ol G20 lida long tingim wok ol i gat long kamapim fea na trensperen (o no ken haitim tasol soim long ples klia) ikononik straksa we bai stopim wol "recession" o i bungim hevi long mani, tred na bisnis i go daun.

"Mi askim ol G20 lida bilong ol kantri na ol gavman long noken lusim tingting olsem planti laip bai bagarap baksait long ol dispela bikipela politikel na teknikel toktok.

"Em bai no gutpela sapos ol i sainim tasol ol bikipela agrimen samting, tasol ol toktok na agrimen i no karim kaikai," Pop Francis i tok.

Pop Francis i tok strong olsem i gat nid

long banisim pipel long mekim no gut long sait bilong fainensel sistem na moa yet, long samting i bin kamap long 2008 na wol i bin bungim hevi na go daun long mani, tred na bisnis.

Em i tok dispela i narapela bikipela asua long bagarapim ol rait bilong man.

"Tingting long kisim bikipela profit o winmani em i as bilong olgeta wok ikononi o mani we i rausim ol wan wan man na bai no gat wanbel pasin na jastis.

"Wok long tingim ol tarangu na ol lain no gat man i tingim i mas wanpela bikipela samting insait long ol politikel disisen, maski long nesenel o intanesenel level," Pop Francis i tok.

Taim em i luksave olsem sampela politiks hevi i stap namel long ol G20 kantri tasol dispela i no bagarapim toktok na wok bung bilong ol, em i singaut long ol long wok na toktok strong moa wantaim.

Long pas bilong em long Praim Minista Tony Abbott, Pop i bin autim wari long solwara i wok long kam antap na na kamapim bagarap, planti pipel i no gat wok i wok long go bikipela na moa yet, namel long ol yangpela pipel.

Em i tok planti man i no gat wok inap kamapim ol kriminel pasin na tu, pasin bilong kisim ol man long kamap ol teroris.

Olsem nae m i singaut long ol G20 kantri long wok bung wantaim na go pas, aninit long Yunaitet Nesens sistem, long stopim wok teroris.

Long pas bilong em, Pope Francis i tok i gat nid long ol G20 lida long edresim klaimet senis.

"Bagarap i go het yet long naturel envairomen, no gat control long yusim ol samting long envairomen na dispela bai gat kikkik long ikononi bilong wol," Pop Francis i tok.

Tupela moa India santu bilong Katolik Sios

INDIA bai gat tupela nupela santu long dispela wik Sande.

Dispela i bihain long hetman bilong Katolik Sios long wol, Pop Francis i tokaut long Bleset Chavara Kuriakose Elias (Chavara Achan) na Bleset Euphrasia (Evuprasiamma) bilong India olsem ol bai kamap santu bilong Katolik Sios long dispela Sande, Novemba 23, 2014.

Ol Katolik pipel na sios bilong India na moa yet, ol dispela bilong sauten stet bilong Kelara i amamas moa yet olsem tupela pikinini bilong ol bai kamap ol santu.

Santu Sister Alphonsa i namba wan meri India long kamap santu long yia 2008.

Em i namba tu lain bilong India long kamap santu bihain long Santu Gonsola Garcia huat i bin kamap santu bilong Katolik Sios long yia 1862.

Maski Kristieniti i bin kamap long India bipo bipo yet long taim bilong Aposel santu Thomas wei mekim India i olpela olsem Kristieniti i bin stat, liklik mak tasol olsem 2.1 pesen long populesen bilong India i Kristen.

Mama i bin karim Kuriakose Elias Chavara long Febueri 10, 1805. Papatama bilong em (Iko Kuriakose Chavara na Mariam Thoppil em ol strongpela Katolik.

Em bin stat skul long ples Kalari taim em i gat 5-pela krismas na skul long ol tokples na saiens aninit long wanpela Hindi tisa.

Em bin gat bikipela laik long kamap pater na peris pris bilong Sen Joseph i bin skulim em. Taim em i gat 18 krismas, em bin go skul seminari na long 1829, em bin kamap pater.



TUPELA NUPELA SANTU: Santu Kuriakose Elias Chavara na Santu Euphrasia Elavathingal Evuprasiamma.



Pater KUriakose Elias Chavara wantaim narapela tupela pater i bin statim wanpela kongrikesen bilong ol

man ol i kolim long Carmelites of Mary Immaculate (CMI) long yia 1831.

Tude kongrikesen i gat moa long 3,000 memba na ol i wok long ol wan wan ministry long 20 kantri long wol.

Pater Kuriakose i bin karim bikipela pen, i sok na i bin dai long yia 1871. Pop John Paul 2 i bin mekim em i Bleset long Febueri 8, 1986 na long dispela Sande, em bai kamap santu.

Mama i bin karim Bleset Sister Euphrasia (Evuprasiamma) bilong Sekret Hat bilong Jisas (C.M.C) long Kerala, saut India long yia 1877.

Namba wan long ol pikinini i papa bilong bikipela hap graun na ol i gat planti samting, em i bin kisim Sakramen bilong Baptismo na ol i givim em nem Rose.

Taim em i gat 98-pela krismas, em i bin lukim visen bilong Mama Maria na mekim promis long no ken marit, tasol mekim wok bilong Bikipela inap em i dai.

Taim em i gat 10-pela krismas, em bin go long boding skul we ol Carmelite komyuniti i bin lukautim.

Papa bilong em i bin egensim laik bilong em long kamap wanpela Sister na em i laik stretim marit bilong em, tasol meri ya i no laik.

Em i wok long sik planti na ol Sister i laik tokim em long lusim konven, tasol sik bilong em i pinis bihain em i lukim visen bilong Mama Maria.

Em i wok i go na kamap Mada Supiria inap em i dai long yia 1952.

Pop Benedict i bin santuim em long yia 2006 na long dispela Sande, em bai kamap santu.

Hararat Memorial Sios bai opim nupela haus lotu

James G. Kila i raitim

WANPELA Kristen komyuniti bilong Hararat peris bilong Evanjelikel Lutheran Sios bilong PNG (ELC-PNG) long rurel o longwe ples long Teptel seket long Madang Provins nau yet i wokim fan reising long opim nupela haus lotu bilong ol.

Ol i plen long holim dispela bikipela Kristen seremoni long neks mun Disemba 21.

Peris siaman bilong Hararat Memorial Sios, Wereo Kuapengko wantaim kongresesen Siaman, Sorika Merian i tok dispela seremoni long opim nupela haus lotu bai lukim tu memorial sevis long luksave long namba wan misinari bilong Lutheran Sios i bin long Nalum ples long Teptep long yia 1886.

Mista Kuapengko wantaim Mista Merian i askim ol Kristen brata susa insait long PNG long helpim rurel komyuniti bilong ol wantaim fainensel sapot long lukim dispela bikipela seremoni i kamap gut.

ELC-PNG Madang distrik seketeri, Gideon Kubong i sapotim tupela lain bilong Teptep long wanpela pas olsem Teptep Seket bilong ELC-PNG i save long en olsem wanpela longwe ples tru we i no develop long sait long ikononi na sosel developmen. Olsem na ol Kristen brata susa i mas sapotim ol lain brata bilong ol.

Long taim bilong opim nupela haus, bai gat wanpela baibel stadi tu i kamap long Teptep.

Yut lida i makim ELC-Madang distrik edministresen na opis bilong Evanjelisim dipatmen, Bunny Meran i ol sampela yut grup bilong Rabaul, Lae na Madang taun wantaim sampela Kristen brata susa bai go long dispela baibel stadi.

Mista Meran i tok ples bilong ol i stap longwe tru namel long boda bilong Madang na Morobe provins long maunten bilong Finistia rens na dispela em i namba wan taim bilong kain sios bung olsem i kamap.

Em i tok wanem helpim lain i givim bai helpim long strongim wok bilong God insait long dispela seket bilong ol. Husat i laik helpim i ken putim mani long BSP akaunt namba 1009142504 o ol i ken ringim em long 70791852.

WANTOK
KOMENTRI


Bikpela mani bilong baset i mas gat bikpela hanmak tu

Gavman i bihainim promis bilong en na tokaut long 2015 baset we mak bilong mani gavman i tokaut long en i moa long K16bilien. Dispela baset i winim mak bilong 2014 na em i bikpela baset tru long histori bilong PNG.

Praim Minista yet na Minista bilong Tresari tu i tokim kantri olsem gavman i spendim gut mani na i was gut long mani bilong ol pipel. Ol i tok baset bilong 2015 bai helpim gen ol pipel we bikpela mani moa bai i go gen long lukautim sindaun bilong pipel. Ol pipel bai amamas long harim olsem moa mani bai i go long edukesen, helt na lo na oda.

PNG i nidim moa praimer i na haiskul, ol kwaliti tisa na moa buk na ol arapela samting bilong helpim wok bilong ol tisa long skulim gut ol pikinini bilong yumi. Kantri i nidim moa dokta na nes na kwaliti sevis long ol haus sik na helt senta na ol etpos. I mas gat moa kwaliti polisman na meri long mekim wok bilong lukautim lo na oda. Ol i mas gat gutpela trening na ikwipmen long mekim wok bilong ol.

Tude i no gat inap polisman na meri long Mosbi na Lae na wanpela as bilong hevi em bikos i no gat haus slip bilong ol polis. Orait nau em i taim bilong stretim dispela hevi na sanapim moa haus



slip bilong ol polis na bai i gat inap polis long lukautim lo na oda long ol bikpela taun na siti long kantri. Populesen bilong kantri i wok long gro hariap tru na yumi sot tru long ol polis, gutpela helt sevis na moa haiskul na ol gutpela kwaliti tisa na

dokta na ol nes. Gavman i givim bikpela mani tru i go long ol dispela gavman dipatmen long mekim wok bilong givim sevis i go long ol pipel. Orait i mas gat sampela senis i kamap we pipel i ken lukim na pilim olsem

dispela mani plen bilong gavman i karim kaikai.

Planti taim yumi harim naispela bikpela mak bilong mani i go long kamapim gutpela senis tasol i no gat wanpela hanmak i stap long soim olsem dispela mani i

kamapim wok tru.

Palamen i sindaun long dispela wik long toktok long 2015 baset bilong kantri. Na i gutpela tu long lukim olsem namba bilong ol memba long oposisen i sanap nau long 7 we bipo i bin gat tupela memba tasol.

I gat moa memba long oposisen nau, olsem na ol pipel i laik lukim ol dispela memba bilong oposisen i opim maus na paitim toktok long 2015 baset na ol arapela bikpela samting insait long palamen.

Ol pipel i les long lukim wanpela wansait palamen tasol i kam inap nau.

I gat planti hevi i stap we i no gat dibet i kamap long palamen bikos moa memba i stap wantaim gavman na ol i pasim maus na tok yesa tasol.

Baset bilong kantri em i bikpela samting na yumi hop olsem gavman bai givim sans long oposisen long paitim toktok na autim tingting bilong ol long dispela mani plen bilong gavman.

Baset bilong 2014 i bin moa long K15bilien na dispela baset bilong 2015 em i moa long K16bilien.

Dispela i bikpela mani tru na ol memba bilong oposisen na ol arapela memba tu i mas opim maus na autim tingting bilong ol long en, bikos kain bikpela mak bilong mani olsem i mas gat bikpela hanmak tu.

Welkam long ol wantok asailam sika

GAVMAN i orait pinis long kisim ol ovasis lain long Manus asalum senta long stap hia long Papua Niugini. Gavman bilong O'Neill i mekim dispela disisen taim Minista bilong Foren Afea na Tred Rimbik Pato bin tokaut long PNG ken kisim 10-pela asalam lain long stap hia long PNG.

Dispela nau i opim dua olsem olgeta wok na toktok namel long PNG na Australia long sekim gut olgeta rekot na stori bilong ol dispela ronawe lain na sapos ol i gat trupela ripot olsem ol i ronawe long birua na ol no gat hap long stap orait ol ken stap hia long PNG o Australia.

Long las wik em PNG givim luksave long 10-pela lain pinis long Manus asalum senta olsem ol ken stap hia long PNG na olgeta wik ol bai



sekim ol arapela na givim ol dispela orait long stap hia long kantri bilong yumi.

Em bikpela tingting bilong Australia gavman long salim ol kam hia long PNG long yumi ken holim na lukautim ol na kisim ol stap hia.

Long dispela as Australia gavman bin givim planti mani tru long kirapim ol wok na sevis long Manus provins na tu helpim ol bikpela haus sik bilong PNG wantaim mani.

PNG em liklik kantri long sais bilong populesen we yumi gat olsem 7 milien manmeri tasol olsem na planti bikpela spes i stap long yumi ken kisim ol turangu lain

olsem kam stap wantaim yumi na soim ol Kristen pasin bilong yumi olsem yumi em Kristen kantri.

Wanpela bikpela tingting tasol we inap kamapim hevi long bihain taim em dispel 10-pela lain bai stap long we long wanem hap graun? PNG em olgeta graun i gat papa blong em na nogut ol papagraun bai i no inap oraitim ol dispela lain long sindaun wokim haus antap long graun bilong ol.

Sapos ol bai stap long taun olsem Lae o Mosbi orait gavman bai painim blok o hap bilong ol ken wokim haus na stap long en.

Ating Australia gavman yet bai putim mani bilong lukautim ol long kaikai, bilas, painim wok na ol kain samting we ol mas gat mani long mekim o PNG gavman bai lukluk long dispela? Yumi save olsem as tingt-

ing bilong ol dispela asalum lain em ol bin laik go long Australia olsem na ol kalap hait long bot na go daun long Australia taim ol Australia sekyuriti holim ol na putim ol long kemp bilong ol ronawe lain. Bihain ol salim sampela kam long PNG na sampela go long Guam.

PNG em gutpela kantri bikos yumi save long mekim pren wantaim ol arapela lain hariap. Yumi save isi long toktok wantaim ol nupela lain na mekim ol pilim gut long stap bilong ol. Tasol long lukautim na sapatim ol long longpela taim i kam bihain em narapela samting.

Moabeta olgeta mas lusim ol Islamik lotu bilong ol na joinim ol Kristen lotu bilong yumi hia long PNG bikos lotu na kantri bilong ol i no lukautim ol gut olsem na ol ronawe brukim bikpela solwara na kam olsem.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
Websait: www.wantokniuspepa.com
Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga
Editor
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Ol 'bus atis' soim kala na stail long Maining Seifti wik

James G. Kila i raitim

PAPUA Niugini i gat planti biknem atis na tu ol katunis i stap husat i gat stail na wei bilong ol wok droim na penim ol piksa we i soim kain kain pasin na laipstail bilong ol manmeri na stori tu.

I gat ol biknem atis olsem leit Mathias Kawage, Akis, Larry Santana na ol arapela moa i stap.

Na long sait long katunis o lain long droim piksa long niuspepa na megesin em ol stail lain olsem papa blong 'Gras Ruts' yet em Bob Brown, Biliso Osake na lapun bilong *Wantok Niuspepa* na mangi Rigo yet, Wilson Jada.

Long planti ples long PNG, kain kain ol nupela atis i wok long kamap na kamapim ol kain kain ol droing na piksa tasol ol i save hait i stap.

Long dispela yia PNG Sif Inpekta ov Mains i bin kamapim Nesenel Maining Seifti Wik, na dispela taim em long olgeta maining kampani insait long kantri long luksave long bikpela samting insait long eria bilong seifti.

Long Ramu NiCo (MCC) long Madang provins, developa i kamapim planti ol samting o ivers long luksave long gutpela bilong seifti insait long maining industri.

Dispela droing kompetisen Ramu NiCo i kamapim long tupela operesin sait bilong en long Kurumbukari Main long Usino-Bundi na Basamuk Rifaineri long Raikos distrik i soim tru olsem i gat sampela ol 'bus-atis' i hait i stap.

Tru tumas planti ol bos bilong ol boi na tu ol supavaisa i guria stret long lukim olsem ol wokman bilong ol i gat gutpela save na skil long droim ol naispela piksa stret na tu yusim kala long ol piksa bilong ol long wokim piksa i kamap nais tru.

Plantu wok redi i kamap long soim ol kalsa bilong seifti i bin kamap long ol operesen eria bilong Ramu NiCo long Kurumbukari (KBK) Main, Basamuk Rifaineri na Madang Bes.

Nesenel Maining Seifti wik em wanpela progrem bilong Sif Inpekta ov Mains

Sekretariat bilong Mineral Risoses Atoriti (MRA) na i save kamap olgeta yia. Olgeta maining projek insait long PNG i save luksave na kamapim ol program long luksave na strongim seifti insait long wok-ples na long gutpela bilong ol wokman na meri.

Long Ramu NiCo Projek i lukim ol wokman i redim ol program long droim ol piksa long soim maining bilong seifti long

wokples na tu wanem samting long mekim, na tu i soim ol wok bilong seifti long maining wok.

Het tok bilong 2014 NMSW em "Improve Understanding for Safe Practice" Long Tok Pisin em i min olsem "Kamapim Gutpela Save long ol Seifti Wok na Pasin"

Siaman na Dairekta bilong Ramu NiCo (MCC), Zhao Shimin i bin lonsim NMSW bilong Ramu NiCo. Em i givim strongpela tok-tok olsem olgeta wokman meri stat long menesmen i go daun long ol wok lain i mas holim strong kalsa o pasin bilong seifti

Ramu NiCo KBK Main Jeneral Menesa, Graeme Skelton i tok bikpela samting long NMSW em olsem em i givim naispela sans long olgeta wokman i luksave gut moa long mining bilong seifti na wanem rot ol i mas bihainim long daunim ol hevi we i ken kamap long taim bilong birua. Moa long en tu em i givim sans long ol wokman i lainim ol nuppela save long helpim ol long strongim wok bilong seifti insait long kampani.

Mista Skelton i tok wanpela ektiviti em long 'Lidas Seif Praktis Impruvmen Wok'. Long dispela eria em i laik lukim ol tim lida na ol supavaisa i wok bung wantaim long painimaut ol sampela eria we i ken kamapim birua, na mekim ripot long en na tu tok-save wanem samting i ken kamap long bisnis taim hevi i kamap, na painim rot long stretim na wanem ol samting long kontrolim na daunim hevi long sait long seifti.

"Dispela em gutpela eksampel bilong wok em olgeta lida i mas develupim na karimaut olgeta taim, long painimaut na luksave long wanem ol birua i ken kamap long wok ples olgeta taim, na i no long seifti wik tasol," Mista Skelton i tok.

KBK Seifti Opisa, Wally Hera i tok olsem ol wok lain long KBK main i soim intres long sait long soim ol ektiviti bilong NMSW taim ol i droim ol seifti posta, redim ol kwesten na ansa na tu mekim ol seifti dril we ol lain bilong ERT (Imenjensi Rispons Tim) i putim kamap.

Mista Hera i tok bikpela samting em olsem planti wokman i redi long lainim samting na save gut moa long seifti long wanem ol eria bilong wok bilong ol wantaim Kampani.

Mausman bilong ol BSK Rifaineri wok lain, Yang Junliu i tok seifti em wanpela bikpela samting we i mas pas oltaim long tingting na wokabout bilong wan wan man o meri long wok ples na ol arapela samting em i mekim.

Ol droing ya em ol lokal wokman yet wokim.



Man droim piksa long soim seifti Tommy Murua wantaim piksa blong em.



Piksa soim stori bilong seifti kalsa.





Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - Nius - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM NIUS SENTA
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm Nius - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm Nius - YUMIFM Nius Senta
 2pm - 6pm - Sarere Avinun Cruz
 6:00pm Nius - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon Nius - YUMIFM Nius Senta
 12 - 2pm - Sandei Belo Taim Music
 2:00pm Nius - YUMIFM Nius Senta
 2pm - 6pm - Sandei Avinun Draiv Musik
 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Jokema pairap long PNG Gems

Isaac Liri i raitim

TAIM Jokema i go antap long steis na singim bikpela singsing bilong em, "Morobe Filing", Gavana bilong Morobe, Kelly Naru, i smail na tok, "yupela olgeta bai pilim dispela Morobe Filing long dispela tupela wik bilong PNG Gems".

Lida na singa bilong Jokema, Honlly Isaac, em mangi Morobe yet. Em i bin amamas tru long singsing long seremoni bilong opim PNG Gems, na em i bin tok amamas long olgeta spot manmeri, ol lida, na ol manmeri husat i kamap long Morobe long lukim dispela pilai.

Jokema i bin singim wanpela nupela singsing bilong ol tu. Dispela singsing em ol i raitim ol PNG Gems, na dispela singsing i bin mekim planti manmeri i pilim stret spirit bilong dispela pilai.

Bipo long Jokema i lusim steis na go, ol i pairapim wanpela arapela bikpela singsing bilong ol we i save hot long ol redio stesen long planti hap long kantri. Dispela singsing em Jix Ambe.

Taim Jokema i pairapim dispela singsing, olgeta manmeri i go wail na singaut. Ol manmeri bilong blok husat i no bin gat tiket na kam insait long stedium i bin sanap ausait antap long ruf bilong ol haus na kar na soim kain kain stail danis bilong ol.



Poto Kepsen: Jokema i pefom long Sir Ignatius Stedium long Lae

Taim Jix Ambe i on, mi tanim na lukluk i go antap long ples we Praim Minista Peter O'Neill na ol arapela lida i sindaun long en. Mi

lukim ol i smail na mi tingting long mi yet, ating ol i laik danis tu ya. Ol arapela singa husat i bin

singsing em biknem musik man bilong Morobe K-Dumen, na singa bilong Tores Streit Ailan long Australia, Christine Anu.

EMTV Television Guide

FONDE NOVEMBA 20, 2014

8:40 PMG **HOT SPOT Ep#33**
 9:10 PM PG **ELITE MUSIC ZONE #31**
 9:40 PM G **NEWS REPLAY**
followed by the Australia Network

SLEEPOVER CLUB S1 EP#11/26
 SHAK S6 EP#1/40
 5:30 PM G **SKIPPY - Puppets**
 5:55 PM G **CRIME STOPPERS**
 6:00 PM G **EMTV NATIONAL NEWS**
 7:00 PM G **IN MORESBY TONIGHT - ALERT THREATENED SPECIES**
 7:30 PM PG **FRIDAY NIGHT MOVIE**
 8:30 PM MA **EMTV NEWS REPLAY**
 10:00PM G **EMTV NEWS REPLAY**
followed by the Australia Network

7:30 AM G **AUSTRALIA NETWORK**
 8:30 AM G **SKILLICIOUS S2 EP#7/7**
 9:00 AM G **DANI'S HOUSE S2 EP#2/12**
 9:30 AM G **ULTIMATE GUINNESS WORLD RECORDS - EP#31/52**
 10:00 AM G **PACIFIC WAY EP#16 - Rpt.**
 10:30 AM G **SKIPPY- Puppets - Rpt.**
 11:00 AM G **AUSTRALIA NETWORK**
 5:30 PM G **OLSEM WANEM EP#39**
 6:00 PM G **EMTV NATIONAL NEWS**
 6:30 PM G **SECRET MILLIONAIRE USA - RAIT MUSIK repeat**
 7:30 PM G **RAIT MUSIK repeat**
 8:30 PM MA **MOVIE - RISKY BUSINESS**
 10:00 PM G **EMTV NEWS REPLAY**
followed by the Australia Network

3:30 AM G **AUSTRALIA NETWORK**
 6:30 AM G **EMTV NEWS REPLAY**
 7:00 AM G **HILLSONG**
 7:30 AM G **AUSTRALIA NETWORK**
 9:00 AM G **BUSINESS PNG YR.3 EP#38 rpt.**
 9:30 AM G **AMAZING SPIES Ep #4**
 10:00 AM G **OLSEM WANEM EP#39- RPT**
 10:30 AM G **RESOURCE PNG EP#37 - Rpt**
 11:00 AM G **ITALIAN KHANNA Ep #2**
 11:30 AM G **ITALIAN KHANNA Ep #3**
 12:00 PMG **AUSTRALIA NETWORK**
 5:30 PM G **LOVE PATROL S6 Ep #02**
 6:00 PM G **EMTV NATIONAL NEWS**

FRAIDE NOVEMBA 21, 2014

4:00 AM G **AUSTRALIA NETWORK**
 5:00 AM G **JOYCE MEYER 1099-5**
 5:30 AM G **EMTV NEWS REPLAY**
 6:30 AM G **TODAY**
 09:00 am G **CLASSROOM BROADCASTS**
 3:30PM G **KIDS KONA**
 HI 5 S12 EP#38/39
 NEW MACDONALD'S EP#51/52

SARERE NOVEMBA 22, 2014

4:30 AM G **AUSTRALIA NETWORK**
 6:00 AM G **EMTV NEWS REPLAY**
 7:00 AM G **IN HIS STEPS EP#33**

SANDE NOVEMBA 23, 2014

6:30 PM G **VOCAL FUSION S1 - Ep#11**
 7:30 PM G **TOK PIKSA - EP#2014/44**

4:30 AM G **AUSTRALIAN NETWORK**
 5:00 AM G **JOYCE MEYER 1099-4**
 5:30 AM G **EMTV NEWS REPLAY**
 6:30 AM G **TODAY**
 09:00 am G **CLASSROOM BROADCASTS**
 3:30 PM G **KIDS KONA**
 HI 5 S12 EP#37/39
 NEW MACDONALD'S EP#50/52
 SLEEPOVER CLUB S1 EP#10/26
 SHAK S5 EP#33/33
 5:30 PM G **PACIFIC WAY EP#16**
 6:00 PM G **EMTV NATIONAL NEWS**
 7:00 PM G **RAIT MUSIK EP#232**
 8:00 PMG **RESOURCE PNG Ep#37**
 8:30 PM G **SOKA XTRA EP#31**

TORO



BIABIA




KANAGE



KROSWORD

- Akros 32 Lata 29 Namba
- 1 Namba wan man 30 Mani bilong wok
- 5 Pasindia ka
- 9 Olgeta taim
- 11 Dikteta bilong Uganda
- 12 Kotim
- 14 Kumu
- 16 I no aut
- 17 Sios long hap bilong Papua
- 18 Politikai pati
- 19 _____ na oda
- 20 Kaunim buk
- 22 Fani man long Wantok Niuspapa
- 24 Bikpela skul
- 26 I orait
- 28 Haus mani
- 29 Par
- 31 Begin
- Daun**
- 2 Ilektoret long Westen Hailans
- 3 Nem bilong meri
- 4 Yu yet!
- 5 Ples bilong dring
- 6 Painim long frisa
- 7 Sain bilong amamas
- 8 Draiva bilong balus
- 10 Ka bilong karim graun
- 13 Ais i save pundaun long ol kol ples
- 15 Bris long Morobe
- 20 Balus bilong go long mun
- 21 Krai bilong kau
- 23 Stilman
- 25 Pulap
- 27 Begin



© ABS, 2014

SUDOKU

6	2	9	1	8	4	7	3	5
7	8	3	5	2	9	6	1	4
4	1	5	6	7	3	9	8	2
5	3	2	7	4	6	8	9	1
8	4	7	9	1	5	3	2	6
9	6	1	8	3	2	5	4	7
2	7	6	4	9	8	1	5	3
3	5	8	2	6	1	4	7	9
1	9	4	3	5	7	2	6	8

Ansa bilong las wik Sudoku # 69

	4		6				3	
	2		7	5	3			1
5	3						2	
2	8			3	6			
		4		1			3	
			4	2			6	9
		3						9
1			8	9	5			4
	6				4			1

Ansa bilong Sudoku # 70 neks isu

D	E	S	E	M	B	A	K	L	I	A	U	S	A
A	D	A	M	A	N	I	R	S	P	R	I	S	
K	E	L	A	G	O	K	S	A	I	N	A		
A	N	T	I	K	E	N	S	A	K	T	A	S	
	A	L	I	L	I	S	O	L	A	A			
	I	N	O	T	M	L	A	T	I				
N	D	D	T		U	M	B	E	N	T			
A	P	L	A	I	K	O	M	L	A				
R	T	I	A	D	I	G	I	C	E	L	S	I	
A	P	I	L	K	A	L	A	I	S	I	T		
K	I	U	A	S	O	S	I	E	S	E	N		
A	R	B	S	M	S	L	M	T	P				
I	A	E	A	U	B	I	U	A	H				
N	I	L	I	M	V	E	R	A	N	D	A	T	
P	I	S	I	N	T	I	N	G	T	I	N	G	

Ansa bilong las wik kroswod, isu # 2097

EMTV Television Guide

8:00 PM G 60 MINUTES	3:30 PM G KIDS KONA HI 5 S12 EP#34/39 NEW MACDONALD'S EP#47/52	TUNDE NOVEMBA 18, 2014	9:30 PM G EMTV NEWS REPLAYfollowed by the Australia Network	7:30 PM G Great Animal Escapes #3
9:00 PM MA MOVIE: THE REPLACEMENTS	NEW MACDONALD'S EP#47/52			8:00 PM G OUR PORT MORESBY EP#20
10:30 PM G HILLSONG Rpt.	SLEEPOVER CLUB S1 EP#7/26 SHAK S5 EP#30/33			8:30 PM G VOCAL FUSION SEASON 1 -
11:00 PM G EMTV NEWS REPLAYfollowed by the Australia Network	5:30 PM G S/SEASON 2 - EP#7/7	5:00 AM JOYCE MEYER 1099-02		9:30 PM G TOK PIKSA EP# 43 REPEAT
	5:55 PM G CRIME STOPPERS	5:30 AM G NATIONAL EMTV NEWS REPLAY		10:00 PM G NEWS REPLAYfollowed by the Australia Network
	6:00 PM G EMTV NATIONAL NEWS	6:30 AM G TODAY		
	7:00 PM G BUSH PILOTS #3	09:00 am G CLASSROOM BROADCASTS		
	8:00 PM G TOK PIKSA - repeat	3:30 PM G KIDS KONA HI 5 S12 EP#35/39 NEW MACDONALD'S EP#48/52		
	8:30 PM G TBA	SLEEPOVER CLUB S1 EP#8/26 SHAK S5 EP#31/33		
MANDE NOVEMBA 17, 2014	9:00 PM G COCA-COLA SPORTS SCENE EP	5:30 PM G DANI'S HOUSE - SEASON 2 -		
	11:00 PM G EMTV NEWS REPLAYfollowed by the Australia Network	6:00 PM G EMTV NATIONAL NEWS		
		7:00 PM G HAUS & HOME Ep#35		
		8:00 PM G BUSINESS PNG YR.3 - Ep#36/2014		
		8:30 PM PG MERLIN SEASON 4 - EP#8/13 - "Lamia"		
			5:00 AM G JOYCE MEYER - 1099 - 3	
			5:30 AM G EMTV NEWS REPLAY	
			6:30 AM G TODAY	
			09:00 am G CLASSROOM BROADCASTS	
			3:30 PM G KIDS KONA HI 5 S12 EP#36/39 NEW MACDONALD'S EP#49/52	
			SLEEPOVER CLUB EP#9/26 SHAK S5 EP#32/33	
			5:30 PM G ULTIMATE GUINNESS WORLD	
			6:00 PM G EMTV NATIONAL NEWS	
			7:00 PM G ROAD TO PORT MORESBY Ep	

Oi Progam na Kilok i ken senis oltaim...

Ol nius poto



HATWOK I KARIM KAIKAI: Tupela Wantok Niuspepa ripota, Frieda Sila Kana na Isaac Liri i bin stap namel long 42 pipel i greduet las Fraide long Nesenel Risets Institut (NRI) long Diploma long Polisi Analisis Kos. Kos i bin ran long 6-pela wik na 13 nius manmeri wantaim 29 ol narapela bik manmeri pablik sevan long gavman, ol provins, ol loya, ol ikonomis na ol arapela biklain i bin i bin sindaun long en. Wankain kos bai kamap long neks yia, na em i op long pablik long aplai sapos ol i laik. *Poto: Veronica Hatutasi*



OL NIUSMERI: Dispela 5-pela niusmeri i amamas long pinisim NRI Polisi Analisis Kos bikos em bai helpim ol gut tru long wok bilong ol long klia gut long ol samting i karamapim mani, fainens, ikonomik developmen na ol arapela moa, na raitim nius long pablik i ken klia long ritim na save long ol samting. (L-R: ---, Frieda Kana bilong Wantok Niuspepa, ---, Martha Wame bilong Wantok Redio Lait na Rose Amos bilong Nesenel Brotkasting Kopresen (NBC)). *Poto: Veronica Hatutasi*



Ol Pasifik lida wantaim Jenerel Seketeri bilong Yunaitet Nesens, Ban-Ki-Moon.

Raun wantaim Kanage olgeta wik

Yu laki man ya

KANAGE tokim liklik pikinini bilong em long go baim mutrus bilong em na pikinini tok em i les. Em nau Kanage belhat na kirap paitim em. Meri bilong Kanage harim pikinini krai na em i siksti kam ausait long haus na askim Kanage. "Kela bun bun, yu pitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabout i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok



man na karim dispela yau pas pikinini ol i save kolim hapkas dok na sipsip. **Friedson Kipas BULOLO, LAE.**

'Luk' long bas

KANAGE i raun long Kimbe taun i go na mani pinis long pasin bilong salim wasa long long nabaut. Apinun nau, na Kanage kalap long las bas stret "WANBEL NAPE" na em i ron i go olsem long Buvussi. Bas i lusim Mai rotbruk i go antap nau, boskru i kolektim bas fe long ol pasindia. Boskru kisim bas fe long ol pasindia i go na kamap long Kanage nau, Em sikirapim het bilong em tasol na tok isi long boskru "Mi Luk". Boskru i no harim gut na em i askim Kan-

age, yu toktok strong na mi harim, Kanage i no westim em i kirap tokim boskru stret, planti taim mi save baim bas bilong yu. Sori nau yu Wanbel Nape long mi na mi "Lukim Bus" boskru em paul olgeta. Em i laik lap o em i laik hatim Kanage. Em kirap tokim Kanage ol man i save luk long pilai kas tasol. Nau yu stat long lainim ol man long luk, long bas bai no long taim ol man i stat long luk long ol sip na balus wantaim. Ol pasindia i harim olsem na olgeta i lap.

Brenden Kilo Kimbe

Ol skwat!
Salim ol gutpela Kanage tok pilai i kam long:
Kanage Tok Pilai
 P.O. Box 1982,
 Boroko, NCD
 Port Moresby.
 Email:
jwilson@wantok.com.pg

Mi gat wari na mi laik helpim

Dia Laipain

WANPELA hauslain famili i bin kisim mi olsem namba wan pikinini bilong ol taim mi gat tupela krismas tasol. Mama i kisim mi em i wanblut susa bilong papa tru bilong mi. Taim mi wok long groap, mi lukim olsem dispela famili i no mekim gut long mi, skelim wantaim ol pikinini stret bilong ol. Tasol mi no bisi long dispela bikos mi luksave long ol sakrifais nau papamama i mekim long putim mi i go long skul na mi pinisim skul bilong mi. Na nau mi gat wok na mi wok i stap.



Sori long tok olsem mipela i save kisim ol wankain pas olsem i kam long ol pikinini we narapela famili i kisim ol i go insait long famili bilong ol olsem yu.

Mi wok long helpim baim skul fi long ol brata na susa bilong mi go long ol teseri skul. Na taim ol samting i kamap na famili i laikim helpim wantaim mani, mi save givim long ol.

Famili bilong susa bilong papa stret bilong yu i bin kisim yu olsem wanpela famili memba bilong ol taim yu gat tupela krismas. Ol i baim skul bilong yu na yu go skul, pinisim skul na nau yu wok i stap. Tasol taim yu wok long groap, yu luksave olsem nau mama i no mekim gut long yu olsem ol trupela pikinini bilong em. Em i sapotim ol taim ol i wokim rong.

Tasol mi pilim olsem i no gat luksave long hatwok bilong mi long kontribiut na helpim famili. Na mi lukim olsem mama i save sapotim tasol ol pikinini tru bilong em, maski samting ol i mekim i no stret. Mi pilim olsem dispela i no fea o stret long mi. Tasol taim ol i laikim helpim, ol i save kam long mi.

Tasol yu no bisi long pasin nogut mama i mekim long yu bikos ol bin sapotim yu long skul na yu wok i stap nau. Nau ol brata na susa bilong yu i save olsem yu na ol i kamap long wanpela mama na papa na olsem, lukluk bilong ol i no wankain olsem taim yupela i wok long groap. Yu soim laik pasin bilong yu na yu helpim ol, baim ol skul fi bilong ol na taim famili i laikim helpim. Tasol ol i no givim yu luksave long sapot yu wok long givimi go long ol.

Nau ol brata na susa i save olsem mi no pikinini stret tasol ol i kisim mi i go insait long famili bilong ol na ol i no lukluk gut long mi. Taim mipela i wok long groap, ol no bin save na i no bin mekim olsem. Nau ol i no save wokim gut long mi na mipela i no stap gut olsem famili i mas stap long en. Mi no amamas long dispela bikos mi no save bai mi lukluk i go long husat taim mi bungim wari na hevi long wanem, dispela em famili tasol mi gat na mi save gut long ol. Famili mi groap na laikim tumas i no moa wankain. Ating dispela em bikos ol i no gat ol samting we mi gat long en nau.

Pren, mipela i bilip i gat sampela famili na ol papamama husat i save sapotim ol pikinini na i no mekim gut long ol adoptet pikinini bilong ol. Mipela i bilip i gat sampela as tingting watpo ol i mekim olsem.

Tru tru papamama bilong mi i stap laip yet, tasol mi no save kontekim ol. Mi lus na mi paul long husat bai mi go long en taim mi laikim helpim.

Mipela i lukim olsem maski ol i no mekim gut long yu, yu no bisi tasol bikos yu gat bikipela laik long ol, yu lukautim ol gut, baim skul fi bilong ol brata na susa na helpim ol taim ol i laikim helpim wantaim mani samting. Tasol ol i no luksave na dispela pasin i hat tru.

CONFUSED CHILD

Dia Pren

Tenkyu long serim wari bilong yu wantaim mipela. Mipela i sori long ritim pas long wari na hevi yu wok long bungim wantaim ol adoptet famili bilong yu.

Pren, i moabeta yu toktok long was papamama bilong yu. Em i gutpela long autim wari bilong yu i go long ol na toktok wantaim ol long en. I no gutpela long yu holim ol wari long bel bilong yu na wari tumas long ol. Ating ol no save long ol wari na hevi yu gat long en na taim yu toktok wantaim ol, yu bai pilim gut.

Pren bilong yu Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na edres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.
Laipain



Ol pipel long Honiara i sanap long vot long ileksen bilong Solomon ailan.

Ileksen long Solomon Ailan i ran gut

Ileksen long Solomon Ailan i wok long ran gut. Sif llektoral Opisa Polycarp Haununu i tok llektoral Komision i no bin kisim wanpela ripot long trabel long eria bilong sekyuriti.

Tasol Mista Haununu i tok, ol i kisim sampela ripot long sampela pipel i no painim nem blong ol long sampela ples bilong vot.

Em i tok taim bilong vot i pas long 5 klok apinun na sampela risal blong ileksen bai kam aut long Fonde apinun.

Na long Westen Provins ol polis bilong Rijonal Asistens Misin i bin wok long helpim tu long lukautim sekyuriti.

Sina Adrian, Menesa bilong Solomon Ailan Brodcasting Komisin (SIBC) long Gizo i tok ol pipel i bin vot gut long tupela poling stesin long biktaun bilong provins.

PNG 2015 baset i apim ol takis

Wanpela bikpela samting long 2015 baset bilong Papua Niugini i olsem gavman i apim mak bilong ol takis.

Takis bilong PNG bai go antap moa bilong baim ol sevis na projek.

Papua Niugini gavman i bin tokaut long palamen 2015 baset bilong 16.2 bilien kina we em i wanpela dinau baset.

Mak bilong mani bai gavman i kisim long yia i stap long samting olsem 13 bilien kina.

Niusman bilong ABC long Pot Mosbi i tok

Tresera Patrick Pruaich i tok planti long dispela mani bai gavman i yusim long ol sevis na projek we em i statim pinis aninit long baset bilong 2014.

Palamen bai sindaun gen stat long Tunde long wik i kam long toktok long dispela baset.

Ol wol lida i luksave long Pasifik rijon

Wanpela long ol man save long politik long rijon i tok wokabout bilong sampela lida bilong wol i go long Pasifik long dispela

wik i soim olsem ol i gat bikpela luksave long rijon.

Dr Tarcicius Tara Kabutaulaka bilong Solomon Ailan husat i tisa long Yunivesiti bilong Hawaii i mekim dispela toktok taim Praim Minista bilong India, Narendra Modi i bin kamap long Fiji long Trinde.

Long Fraide Presiden Xi Jinping bilong Saina bai go tu long Fiji we em bai bungim ol lida bilong Fiji na ol narapela lida bilong Pasifik.

Lida bilong Frans, Francois Hollande i bin go raun tu long Nu Kaledonia pastaim long em i bin go long ol miting bilong ol wol lida long Australia.

Dr Tarcicius Tara Kabutaulaka i tok ol dispela lida i bin stap long G20 miting long Brisbane na dispela i mekim isi long ol i raun long ol arapela kantri long rijon.

Ol i kilim dai tupela man long Vanuatu

Ol tokwin long pasin bilong posin na sanguma i mekim sampela lain i kilim dai tupela man long Malekula.

Ol sios long Vanuatu i tok ol i no wanbel tru long pasin em sampla pipel long Malekula i bin mekim long hangamapim tupela pipel em ol i bin sutim tok long tupela olsem ol i save mekim pasin sanguma.

Sampela pipel bilong Akam ailan em i stap klostu long Malekula i bin kilim dispela tupela man long wik i go pinis.

Pastor Alan Nafuki bilong Vanuatu Kaunsil ov Sios i tok em i sori long harim olsem sampela memba bilong Presbiterian sios long Malekula i bin kamapim dai bilong dispela tupela man.

Em i tok tu olsem polis i pulim kalabusim pinis ol pipel husat i bin kilim ol dispela man

Baiometrik sistim bilong vout i gutpela long Solomon Ailan

Nupela sistem bilong vot em ol i kolim baiometrik sistem bai helpim long daunim korapsen

long taim bilong ileksen long dispela wik long Solomon Ailan.

Planti taim long olupela sistem, ol vota long Solomon Ailan i save rejista planti tain na ol i save vot hait planti taim long ileksen.

Tasol Profesa Clive Moore, bilong Yunivesiti ov Kwinslan i tok dispela baiometrik sistem bai mekim i hatwok long ol pipel long bihainim dispela korap pasin.

Dr Moore husat i gat planti save long ol politik long Solomon Islands i mekim dispela toktok taim ol pipel i redi long vot.

Lain bilong llektoral Komisin i tok olsem ol i stretim pinis ilektoral rol na samting olsem 280,000 pipel bai vot long 50 ol ilektoret long kantri long makim ol nupela memba bilong ol long palamen.

Haus Palamen i bin oraitim pinis tu Politikal Pati integriti bil o lo bilong stopim ol Palamen memba i kalap kalap nabaut insait long palamen.

Keateka Solomon Ailan Praim Minista Gordon Darcy Lilo i bin rejista long baiometrik vota sistem.

Vanuatu Amicale i winim naba wan gem long OFC President's Kap

Amicale FC soka tim we em i wanpela sampion tim bilong Vanuatu i gat strongpela laik long winim namba wan OFC President's Kap tonamen.

Amicale FC bilong Vanuatu i laik winim dispela Inaugural Oceania Football Confederation President's Cup we i gohet nau long Auckland, Nu Silan.

Amicale i winim namba wan gem bilong en egensim Fiji National Under-20 long 3-nil.

Tim Menesa bilong Amicale, Harry Atisson i tok ol i bin kam namba tu long OFC Club Champions League, tasol nau ol i laik winim dispela OFC President's Cup.

Em i tok ol 5-pela ovasis pilaia we i pilai long gem i helpim gut tru long win bilong ol.

Long narapela gem, Oceania Club Champions Auckland City i bin winim Singapore Under-20 long 4-nil.

Ol Raun Nabaut Poto



REDI LONG PNG GEMS: Wanpela UPNG Medikel sumatin long trening we Australia Sports Medicine lain i givim long redim ol sumatin long namba 6 PNG Gems i kamap nau long Lae, Morobe Provins. Teti (30) Medikel sumatin i stap nau long PNG Gems. Go insait long PNG Gems bai redim ol dispela sumatin spot lain long redi long Saut Pasifik Gems neks yia. *Poto: BSP Midia*



NUPELA EMBASEDA BILONG ARGENTINA: Gren Sif na Gavana Jenerel bilong PNG, Sir Michael Ogio i amamas long bungim Embaseda H. E. Mista Pero Villagra-em embaseda bilong Argentine Ripablik long PNG nau, long Gavman Haus long las wik Tunde. Embaseda i givim pas bilong Christina Fernandez de Kirchner, Presiden Argentine Ripablik husat i makim nupela man i makim kantri bilong ol long PNG. *Poto: Gavman Haus*



OL POROMAN TOKTOK: Gren Sif na Gavana Jenerel Sir Michael Ogio i sindaun toktok wantaim Embaseda H. E. Mista Pero Villagra-em nupela embaseda bilong Argentine Ripablik long PNG. *Poto: Gavman Haus*

NDB kisim K50m long 2015 baset -K10m bilong Pipols Maikro Benk

Stanley Nondol i raitim

GAVMAN long 2015 baset i givim K50 milien long Nesenel Developmen Benk (NDB) long sapotim wok bilong ol liklik bisnis long kantri.

Long 2014 baset gavman i tokaut long K100 milien tasol NDB i no kisim olgeta mani na i singaut yet long gavman i mas givim long benk bai sapotim ol liklik bis-

nis insait long kantri.

Long 2015 baset, K40 milien bai go long wok bilong egriklasa na sapotim SME bisnis na K10 milien wokim nupela Pipols Maikro Benk brens long kantri.

Dispela K50 milien bai kam aut long K730 milien gavman long dispela wik i tokaut long 2015 baset long sapotim egriklasa sekta na ol bikpela projek bilong gavman bai kisim K141.3 milien.

Minista bilong Tresari, Patrick Pruaitch i tok bikpela invesmen projek bilong gavman long 2015 baset em K50 milien bilong NDB, K33.8 milien bilong Pasifik Marin Industrial Jon, K50 milien bilong stretim besik infrastraksa bilong egriklasa na K50 milien bilong Egriklasa Komesekisesen Ekuiti Fan.

Mista Pruaitch i tok as tingting bilong dispela em

long pulim ai bilong ol investa i go long kopi, kakao, Oil Pam, raba, na laipstok industri.

Long K 730 milien, SME Risk Fainenseing Fesiliti bai kisim K9.97 milien na namba tu hap bilong Tred Asistens bai kisim KL9.6 milien. Dipatmen bilong Tred Komes na industri bai lukautim dispela ol mani wantaim K33.8 milien bilong PMIZ.

Dipatmen bilong Egriklasa

na Laipstok bai kisim K73.15 milien we K1.825 milien bai go long Mt Hagen Teknikel Koporesen Projek na K25.8 milien bilong satretim Madang Maket na K2.53 milien bilong Smol Holda Rais Projek. Hap balens bilong edministresen wok.

Fres Produs Developmen Kampani (FPDC) i kisim K11.7 milien. Na K5.1 milien i bilong sapotim Maket Saplai inisitiv.

Kopi industri Koporesen o CIC kiism K3.37 milien na Smol Bisnis Developmen Koporesen kisim K3.4 milien bilong operesen kos tasol.

PNG Oil Pam industri Koporesen kisim L10.16 milien bilong operesen kos na Nesenel Egriklasa na Kwarintin Inspeksen Atoriti kisim K5.1 milien bilong operesen kos.

Laipstok Developmen Koporesen i no kisim wanpela mani long 2015 baset.

Midia Patn bai menesim siti komyuniti projek

TISA Seving na Lon Sosaiti wantaim NCD i bin kamap wantaim nupela tingting bilong wokim tupela nupela Bas Stop na Bas Rut sain long Sir John Guise Draiv, long mun Jun, long dispela yia.

Gavana Parkop i amamas long dispela tingting na em i askim ol narapela ogenaisesen long go insait long Pablik Praivet Patnasip long joinim dispela Komyuniti projek.

Tisa Sevings na Lon Saisaiti i laik sapotim dispela projek na larim ol i yusim orijinel bas stop disain we em amamas long givim i go long NCD long pinis bilong tupela yia.

NCD i wok bung wantaim Midia Patna Ltd olsem kontrakta bilong menesim projek long 200 ples insait long Nesenel Kapitel Distrik, long helpim pablik na ol ogenaisesen i stap insait, no siti.

Australia givim moa long K1bilien long sapotim 2015 baset

Stanley Nondol i raitim

LONG 2015 baset, ol gren i kam long ol developmen patna i sanap long K1.396.1 bilien wantaim Australia i givim moa gren na winim ol arapela patna wanataim K1.122 bilien long sapotim dinau baset bilong kantri.

PNG Minista bilong Tresari, Patrick Pruaitch i tok Australia bai go het na givim bikpela mani long sapotim baset bilong PNG bikos tupela kantri i gat join andastending long menesmen bilong Asailam Sika long Manus provins.

Mista Pruaitch i tok dispela kain helpim bilong Australia bai go het long 3-pela yia.

Ol arapela developmen patna husait i helpim mani long 2015 baset bilong kantri em; Nu Silan K37.4 milien Pipols Ripablik bilong Saina K15 milien na i givim K305 lon, Japan K73.8 milien. N agivim K59 milien lon. Yuropien Yunion (EU) K82.7 milien, na Yunaited Nesen (UN) 87.1 milien long gren.

Minista Pruaitch i tok ol bikpela projek aninit long agrimen bilong Asailam sika long 2015 em; Waigani Kot Haus

long K10.3 milien, JU Edukesen long K45.7 milien na Join Andastending Trensport long 87.1 milien.

Mista Pruaitch i tok dona mani long 2015 i kam duan bikos kantri i mekimplanti winmani long sapot baset bilong em yet.

Em i tok ol developmen patna i namba wan long developmen bilong kantri na gavman bai wok klostu wantaim ol long ol yia i kam long kisim gutpela sevis long ol.

Mista Pruaitch i tok gavman long 2015 bai lukluk long stretim wok bilong eid

progrem long kantri long ol progrem bilong eid dona i mas kam long lain wantaim Alotau Akod o ol progrem bilong O'Neill gavman long wok bung.

I bin gat planti toktok i kamap olsem ol eid dona i wok long laik bilong ol na i no wok aninit long progrem bilong gavman.

Minista Pruaitch i tok wok rivyu bai kamap long eid dona progrem long ol planti eria bilong ol teknikel edvaisa long kepesiti developmen progrem.

Minista Pruaitch dispela

em long daunim ol teknikel edvais bilong ol ausait long na tu daunim dona long helpim kantri bikos em taim long kantri i mas wok hat, mekim inap mani, i mas i gat inap save man long go pas na ranim kantri.

Em i tok eid progrem long 2015 na go antap i mas wok aninit long Paris Diklereen Prinsipel long eria bilong gavman onasip, progrem bilong dona i mas wankain olsem developmen progrem bilong PNG gavman, menesim risal bilong developmen insait long kantri na ol arapela eria.

Barker i wari long bikpela milien i no karim kaikai

Stanley Nondol i raitim

DAIREKTA bilong institut bilong Nesenel Afeas, Paul Barker i tok planti mani gavaman i tokaut long baset long em i salim go long provins na distrik tasol wok divekopmen no i kamap gut long ol eria olsem rot, bris na arapela long ol pipel bai kisim sevis.

Mista Barker i askim Minista bilong Nesenel Plening Charles Abel long taim bilong baset long ap long palamen olsem long wanem rot bai gavman i kontrolim ol bikpela milien kina go aut long nem bilong developmen tasol wok tru i no

akamap.

Mista Barker i tok planti pablik mani i go lus nating long nem bilong developmen long olgeta yia na planti rot long provins na distrik i bagarap yet na laip bilong ol manmeri i hat tumas long ol i laik painim gutpela sindaun.

Mnista bilong Plening, Charles Abel long bekim i tok gavman laikim mani bai go stret long lokol komyuniti long ol pipel bai kisim sevis.

Em i tok gavman mas putim mani long ol ples long ol pipel bai kisim helpim .

Em i tok yes em i tru sampelatim pasin korapsen i kamap tasol i gat rot bilong

kontrolim i stap na gavman bai lukluk long daunim pasin bilong stilim mani.

Mista Barker long las mun i bin tok gavman i mas yusim mani gut long givim sevis long ol pipel. Em i tok gavman yusim bikpela milien kina long siti olsem Mosbi tasol planti hap bilong kantri i no gat gutpela rot na bris na laip bilong ol pipel i hat.

Em bin salensim gavman long yusim mani bilong 2015 gut na noken dinau moa bikos gavman i gat planti dinau long bekim.

Gavana bilong Benk bilong Papua Niugini, Loi Bakani na Darekta bilong

instiutu bilong Nesenel Afeas, Paul Baker wantaim i givim wankain salens long gavman long yusim mani bilong kantri long gutpela rot we inap long planti pipel bilong kantri bai kisim sevis long pablik mani.

Ol saveman i tok baset bilong 2015 bai kam daun bikos gavman i yusim bikpela milien mani long ol projek i no stap long mani plen bilong 2014. Na i gat planti dinau stap long gavman bai bekim na em i bikpela salens long ol arapela ekta bilong developmen.

Mista Bakani i tokaut long kwateli ikonmik buliten bi-

long BPNG olsem kos bilong domestic ikonomi i go antap na taim tresari i laik traime long wok long daunim kos, gavman i mas yusim mani stap stret long baset na i no ken go aut sait long mani plen bilong 2015.

Long las yia i lukim gavman yusim pablik mani long bikpela milien ausait long baset na mekim planti nupelaprojek olsem bildim ol 2015 Pasifik gems fesiliti na wokim planti rit na ol infrastraksa long Mosbi siti.

Planti save man bilong gavman na rises analist i tok em i no gutpela long gavman i yusim planti mani ausait long baset.

MORE FLIGHTS TO CHOOSE FROM

<input checked="" type="checkbox"/> RABAU TO PORT MORESBY _{v.v} 2-4 x DAILY FLIGHTS	<input checked="" type="checkbox"/> RABAU TO KAVIENG _{v.v} DAILY FLIGHTS	<input checked="" type="checkbox"/> RABAU TO HOSKINS _{v.v} 4 x WEEKLY FLIGHTS	<input checked="" type="checkbox"/> RABAU TO BUKA _{v.v} 3 x WEEKLY FLIGHTS	<input checked="" type="checkbox"/> LAE TO HOSKINS _{v.v} 3 x WEEKLY DIRECT FLIGHT	<input checked="" type="checkbox"/> LAE TO RABAU _{v.v} 3 x WEEKLY DIRECT FLIGHT	<input checked="" type="checkbox"/> LAE TO MANUS _{v.v} 2 x WEEKLY F100 FLIGHTS	<input checked="" type="checkbox"/> LAE TO BUKA _{v.v} 1 x WEEKLY DIRECT FLIGHT
--	---	--	---	--	--	---	---

BSP i sapotim MSG Tred Fe

Esther Bralyn Wani i raitim

BENK bilong Saut Pasifik (BSP) i sapotim namba tu Melanesia Spiahet Grup (MSG) wantaim K100, 000.

Minista bilong Tred, Komes na Indastri Richard Maru i tok

bikpela tenkyu na em i amamas taim Deputi Jeneral Menesa Riteil Benking, Kili Tambua, i givim K100, 000 sponsa mani insait long BSP het opis long Mande.

Mista Tambua i tok BSP i amamas long sapotim gavman insait long Pablik Pat-

nasip olsem dispela. Sampela i wankain olsem PNG Gems long Lae, 2015 Pasifik Gems em bai BSP i stap opisel sponsa, na ol narapela we i save bung wantaim na helpim long gutpela bilong kantri.

Minista Maru i tok het tok bi-long dispela namba tu MSG

Tred Fe na Invesmen Rot So em "Kisim MSG Treid Fe i go long Neks Level".

Long wankain taim, ol treid minista long olgeta MSG memba kantri olsem Fiji, Solomon Ilen, Vanuatu na Nu Kaledonia bai stap long wan de Ministerial bung long 27

Novemba, 2014 long Laguna Hotel long Pot Mosbi we Minista Maru bai go pas long en.

Minista Maru i apil long ol manmeri bilong PNG long no ken wokim trabel taim ol lain i kam long dispela Treid Fe bung na ol i ken amamas na go bek.

Air Niugini i lukluk long kastoma kos na kalsa

OL menesa bilong ol ples balus na ol woklain bilong Air Niugini i bin kisim salens long ol i mas lukluk long ol kastoma, kontrolim kos na ol i mas gat stretpela pasin long bungim senis i kamap.

Jeneral Menesa, Marco McConnell i bin toktok moa long dispela long Momase ANG Pot Menesa konpres i bin kamap long Madang las wik.

Mista McConnell i tok long wokim Air Niugini kamap namba wan balus bilong ol kastoma, seif na bilong wokim gut mani, ol i mas lukluk moa long givim servis long kastoma, ol kos na senisim olpela pasin bilong ol.

Em i tok moa olsem ol i mas sapotim ol program insait long ogenaisesen, senisim pasin na bihainim nupela pasin bilong wokim bisnis. Em i redi long wok na ol woklain bilong em tu.

Madang i go pas long OTP

MADANG Air Niugini i stap yet long 'On Taim Pefomens' (OTP) long namba tri kwata bilong dispela yia.

Jeneral Menesa, Graun Operesen na Aviesen Sikyuriti, Marco McConnell i bin makim CEO, Simon Foo na givim Sil long ol woklain bilong Madang las wik long hatwok bilong ol.

Mista Foo i amamas long Pot Menesa bilong Madang, Wewe Pih na ol woklain bilong em long namba wan

wok bung na stap long OTP long tripela taim long dispela yia.

Mista Foo i tok em i no isi long tanim balus insait long 30 minit tasol, na tu long kisim ol ditel bilong ol pasindia, kago, kebin kru na balus i stap gut na taim bilong lusim ples balus i long taim stret. Long dispela em i tok amamas long Madang Pot Menesa na ol woklain long namba wan wok ol i mekim.

Aninit long OTP, 23 ples

balus ol i putim ol long 4-pela grup long hamas namba ran bilong balus long wanpela de. Madang, Lae, Rabaul na Hagen ol i stap namba wan.

'On Taim Pefomens' ol i save skelim taim balus i lusim wanpela ples balus na taim em i go kamap long narapela ples balus. Dispela em i bin tingting bilong Air Niugini CEO, Mista Foo taim planti pipel i bin komplem olsem balus i wok long leit las yia.



MIPELA KAM GUT YA! Ol woklain bilong Madang Air Niugini i mekim gut na winim sil long namba tri kwata long dispela yia long mekim gut wantaim rekot long ol ran bilong balus i bihainim taim stret bilong ol. *Poto: Air Niugini Midia*

Dinau bilong gavman kam daun long K14bn

Stanley Nondol i raitim

DINAU bilong gavman bai kam daun long K14.26 bilien long 2015 taim gavman in yusim winmani bilong PNG LNG long bekim Ol dinau. kantri nau i gat K16 bilien dinau long bekim.

Ol dispela dinau bilong gavman em long domestik na intanesenel dinau wantaim.

Tresera Patrick Pruaitch i tok dinau bai kam daun long K228 milien mani mak na kisim dinau bilong kantri i kam daun long K14.26 bilien.

Ol dispela dinau em gavman i kisim long ol supa enuesen fan long kantri na long ovasis olsem USB, Exim Benk Ion, Exxon Mobil na ol arapela divelopmen patna olsem ADB na JICA.

Minista Pruaitch i tok taim gavman i wok yet long stretim rot bilong kisim winmani bilong LNG i kam insait, gavman bai mekim mani long maket insait long kantri long kamap wantaim K2.3 bilien long bungim K16.2 bilien baset.

Mista Pruaitch i tok K2.3 bilien bai kam taim ol divelopmen patna long I givim mani mak bilong K0.8 bilien na K1.5 bai kam long do-

mestik maket.

Em i tok gavman bai bekim olgeta dinau bilong em insait long kantri taim gavman i kisim winmani bilong PNG LNG.

Kantri i salim LNG ges pinis long wol maket tasol winmani i no kam insait long baset bilong kantri long 2015 baset.

I gat bilip olsem gavman i wok yet long Soveren Wel Fan bil na taim palamen i

oraitim bai kisim winmani i kam insait na menesim.

Praim Minista Peter O'Neill i tok SWF bil i redi long palamen bai oraitim long dispela Novemba bung bilong palamen. Palamen bai bung gen long Novemba 25 long dibet long 2015 baset. Saps gavman i redi bai kisim SWF bil i kam long palamen.

Mista Pruaitch i tok dinau bilong gavman long Su-

paanuesen olsem Nasfan na Nmabawansupa Fan i stap long K2.1 bilien. Tasol em i tok dinau mak i stap insait long 30 pesen na insait long Fiskel Responsibiliti Ekt.

Praim Minista i tok dinau em bikpela samting long kantri tasol bikpela samting em ol pipel bilong PNG i mas kisim gutpela servis na laip bilong ol i mas senis long ol mani bilong kantri.

Lukluk raun long LNG Plen Sait

Esther Bralyn Wani i raitim

OPISA i bin go pas long wokabaut i go long LNG plent sait, Vele Rup na Komyunikesen opisa, Rebecca Arnold, bilong ExxonMobil PNG Ltd long las wik i bin kisim ol midia o niuslain i go long lukim ol wok i kamap long LNG plent sait.

LNG plent sait em i hap we ol i save kisim ges na kulim i kamap olsem wara.

Ol bikpela sip i save karim ol dispela ges i go long ol maket long Esia.

Long dispela LNG Plen sait ausait long Pot Mosbi, ol i save wokim fres wara yusim solwara na pawa bilong ol yet. Pawa na wara long hap yet i save helpim ol long ranim ol masin long plent sait, na long kilim paia taim paia i kirap.

Long wankain taim tu, ol i save yusim bensin gas, popen gas na mitein gas long wokim piul bilong ol

yet na ol sampela ges ol save salim i go long wokim pawa bilong ol. Ol i save yusim tupela trein em i hap we ol i save womim o mekim hot ol ges i save holim 6.9 milien tan.

Ol bikpela sip bilong kisim ges i go long ol kastoma bilong ol i save kam taim tripela de i pinis.

Ol i save stap olsem 36 awa bipo long ol i go bek.

Long karim ges i go ol i save lukluk long hamas hevi bilong sip.



Kapmandu Invesmen kamap mesa sponsa bilong Wewak Dat Tonamen

Menesing Dairekta bilong Kapmandu Invesmen Limitet, Raphiel Raminail givim piksa bilong sek mani mak long K5000.00 i go long kodineta bilong Ramina Kap Dat Tonamen, Joe Posa, olsem prais mani we namba wan tim bai wininim long dispela tonamen. *Poto na stori: Paul Fuzo*



Ramu NiCo na CCIL bai Kirapim Kakao Neseri Projek long KBK

RAMU NiCo Menesmen (MCC) Limited wantaim Kakao Kokonas Instituti (CCIL) aninit long wanpela memorandum ov andastanding ol i bin kamapim i laik promotim kakao insait long Ramu Projek eria long Madang provins.

Long strongim dispela MOU we menesmen bilong Ramu NiCo wantaim CCIL i sainim pinis, wok i kamapin long kirapim ol kakao neseri long Kurumbukari eria long Usino-Bundi distrik long Madang provins.

Long dispela wik Tunde ol Ramu NiCo Komyuniti Afes (CA) Agrikalsa Supavaisa, Allan Wahwah wantaim CCIL Madang Provins Progrem Menesa, Vincent Saleh i bin mekim lukluk raun bilong ol i go long KBK eria we ol i toktok wantaim ol CA tim long KBK na tu lukim ol famas long ples long strongim dispela tingting long promotim kakao neseri.

Namba wan fama ol i bungim long KBK em Albert Dengua long Enekuai rilokesen eria. Dispela fama em wanpela man husat save wok strong tru long agrikalsa na em i planim kakao em i kisim long ol ples klostu olsem

Taim Mista Saleh wantaim Mista Wahawah i bin go wantaim ol CA tim bilong KBK, ol i lukim eria we Albert i kamapim ol agrikalsa wok bilong em. Em i soim ol eria tu we Albert bai sanapim kakao neseri we em bai lukautim na s.....

Mista Saleh i amamas long wok Albert i wokim na i tok olsem em bai givim sampela polibeg long planim ol klon kakao sidlings we Albert bai go pas long givim ol famas long KBK long strongim wok kakao.

Bihain long Enekuai Mista Saleh wantaim Mista Wahwah wantaim tupela CA agrikalsa opisa, Noah Garima na Samuel Masawa i go long Daunagar viles na rilokesen eria. Long Daunagar, ol i bung wantaim sampela viles lida na ol fama long givim toktok long kirapim wanpela kakao

Long Daunagar, dispela tim i bin gat sans long bungim Mathias Bamindi, husat em Wod 22 Memba blong Kurumbuari Wod long Bundi LLG.

Mista Bamindi i amamas long bungim ol lain agrikalsa tim bilong



CCIL Madang Progrem Menesa, Vincent Saleh i soim kakao pod bilong Albert long KBK CA wokman Jacky.

Ramu NiCo wantaim Mista Saleh bilong CCIL na i tok em i amamas olsem ol i laik bringim senis insait long KBK komyuniti.

Mista Saleh i tokim ol lain long Daunagar olsem as-tingting bilong CCIL long mekim lukluk raun em long kirapim ol kakao neseri bihainim MOU we CCIL na Ramu NiCo i sainim pinis.

Em i tok CCIL bai givim 10,000 polibegs long pulumapim graun long sanapim kakao neseri, olsem na ol pipel i mas redim eria long sanapim dispela neseri.

Em i tokim ol manmeri husat i bung olsem wok bilong maining bai pinis tasol ol manmeri i mas holim yet graun na wok kakao long kamapim senis insait long laip na sindaun bilong ol long ples.

"Mi laik lukim laip bilong yupela i senism, na pikinini bilong yupela i go long bikipela skul na yupela i slip long haus-kapa na werim gutpela siot na trausim taim yupela i holim graun na wok long kakao," Mista Saleh i tok.

Bihain long Daunagar, tim bilong wantaim Mista Saleh i bin go ken long Usino Bikples we ol i bungim ol sampela famas long hap wantaim tambu bilong ol na Ramu NiCo wokman, Mathew Yakai long redim wanpela ples long sanapim kakao neseri tu long Usino Bikples.

Mista Saleh i givim salens long ol famas long ples olsem CCIL bai givim ol klon o sotpela kakao han

long ol i planim na dispela kakao i ken abrusim sik nogut olsem i kolim kakao pod bora (CPB).



Albert Dengua em strongpela agrikalsa man long Enekuai long KBK.



3. Mista Saleh bilong CCIL bungim ol KBK CA tim long Enekuai.



Mista Saleh toktok wantaim ol lain long Daunaga.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komyuniti



Ol liklik maket bilong ples i kam long taun

Isaac Liri i raitim

taun yet i kamapim, na sam-pela em ol ples manmeri bilong Morobe i kamapim.

Ol dispela liklik maket i kam aninit long infomel sekta, na ol i kisim tok orait long taun meya long salim ol samting na kisim mani.

Planti ol dispela maket lain i bin tokim *Wantok*

Niuspepa olsem ol i amamas long maket, long wanem, mani ol i kisim bai helpim ol na ol famili bilong ol.

Ol dispela lain husat i kam long ol ples long Morobe long salim samting long Lae siti i tok ol bai yusim mani ol i kisim long

baim ol gutpela samting na karim i go bek long ples.

Wanpela lapun papa husat i bin sindaun klostu long ol maket lain i tok dispela PNG Gems bai lukim Morobe i mekim planti mani tru, na dispela bai strongim ikonomi bilong provins long taun na long ples wantaim.

NAU long dispela taim long Lae long Morobe Provins, planti ol liklik maket i kamap na i stap klostu long ol ples bilong pilai.

Sampela bilong ol dispela liklik maket em ol lain bilong



Ol mama bilong ples i kam mekim ol liklik maket long Lae siti.

Wanpela banana wantaim tripela tel na bans

...Em narakain stamting stret ya

James G. Kila i raitim

long Nu Taun taim em i painim dispela stail na nupela kain samting long banana ya.

Bihain long Reuben i lukim dispela banana, em i go stori long ol wanwok bilong em na tu, ol arapela wok lain bilong Ramu NiCo na Raibus Enjiniaring.

Olgeta i pulim lain i go lukim dispela narakain banana wantaim tripela tel.

Wanpela RSS gad i tok olsem ating taim i wok long senis bikos long klaimet senis, na ol diwai na ol kaikai bilong gaden tu i soim kain senis we i narakain stret, i no olsem bipo.

Wanpela swit banana we planti lain i save kolim 'suga-banana' i karim narakain stret na mekim planti lain i guria tru.

Dispela banana i kamap long wanpela mama as na wanpela bans o grup prut, tasol em i go tripela han na ol plaua bilong en wantaim tripela tel.

Wanpela gad bilong Raibus Sekyuriti Sevis long Madang, Reuben Apelis, i mekim wok patrol insait long banis bilong Ramu NiCo Menesmen (MCC) long handimat eria



NARAKAIN BANANA STRET: Piksa 1 i soim ol man i lukluk long dispela narakain banana ol i lukim long namba wan taim. Poto 2: Lukim banana ya wantaim wanpela mama as na tripela han na tripela tel. **Poto: James Kila**

Ol Obura-Wonenara fama i kisim gutpela helpim

Sape Metta i raitim

OL fama long Obura-Wonenara (O-WAN) Distrik long Isten Hailans i ken strongim wok bilong ol nau bihain long memba bilong ol, Mehrra Minne Kipefa i givim ol fanding inap long K30,000.

Em i givim ol tu tupela banana bot na 35 bulmakau.

Mista Kipefa i mekim dispela taim em i lonsim Obura-Wonenara Distrik Famas Federesen insait long wanpela liklik egrikalsa so i bin kamap long wanpela wik i go pinis.

As tingting long kamapim dispela so em long luksave long wok bilong ol manmeri husat i save wok fama long ol haus lain bilong ol.

Long taim bilong lonsing, Mista Kipefa i bin tokim ol fama olsem opis bilong em i no nap long givim fri mani na ol narapela samting i go long ol les man na meri.

"Sapos yumi laikim mani, yumi mas wok hat long brukim baksait, holim graun, kapsaitim tuhat long kisim mani. Dispela em yumi save kolim "tuhat mani", samting we yumi save kisim long mekim hat wok long en," Mista Kipefa i tok.

Em i tok distrik bilong em i no gat ol mineral risos olsem gol, kopa, wel na ges we i ken bringim mani i go long distrik na pipel.

Em i tok kopi i stap na wol i luksave long kopi bilong Marawaka Ogenik Kopi bilong O-WAN.

Long dispela as tingting, em i laikim ol pipel bilong em long distrik i mas planim planti kopi na ol gaden kaikai.

Long wanpela taim, ol i mas lukautim ol laipstok animel olsem bulmakau, pik na kakaruk.

Long dispela mini egrikalsa so, Mista Kipefa i bin lonsim 4-pela projek.

Wanpela em long O-WAN Pis Fama Asosiesen na Pis kes Projek.

Aninit long dispela, ol pis fama long Yonki Dem i kisim K10,000, 30 pis kes we i ken lukautim 10-15,000 pis na tupela banana bot long karim ol fama na net i go i kam antap long wara.

Na tu, long ol polis bai yusim long sekim na lukautim ol pis net, na stopim ol bikhet pasin antap long wara we bai bagarapim ol projek.

Namba tu em O-WAN Kopi Ekspot Projek we ol Baira Kopi fama i kisim K10,000 wantaim laisens bilong ol long gavman na ol bai salim kopi bilong ol stret i go ovasis.

Namba tri em O-WAN Laipstok Projek we ol Elandora fama i kisim K10,000 wantaim 10-pela meri kau na 5-pela man kau.

Namba foa em O-WAN Mini Musik rekoting studio projek bai helpim ol yangpela o yut bilong distrik long rekotim na salim ol singsing bilong ol long wanpela nupela studio we Mista Kipefa bai kirapim long neks ya.

Kamapim ol gutpela poroman long PNG Gems

Isaac Liri i raitim

MINISTA bilong Spot, Justin Tkatchenko, i tok dispela PNG Gems i no bilong pilai tasol, nogat, ol manmeri husat i kam long ol wan wan provins bilong Papua Niugini i mas kam stap gut na mekim gutpela poroman.

Em i tok gutpela pasin long taim bilong Pasifik Gems em i namba wan, na em i tok bikpela tok tenk yu long Gavana bilong Morobe, Kelly Naru, long gutpela wok redi Morobe i mekim long ol manmeri husat i kam long ol arapela provins.

Minista Tkatchenko i tok pasin poroman we i kamap

long dispela 2014 PNG Gems bai stap oltaim, na dispela pasin poroman bai kamapim planti ol gutpela samting long ol komyuniti bilong yumi long nau, na long bihain taim.

Taim *Wantok Niuspepa* i raun, planti ol arapela spot lida i toktok long samting we i no ran gut na planti ol teknikel opisa na pilaia i no kisim gutpela lukautim.

Minista Tkatchenko i tok em i save long ol dispela samting. Em i tok i no olgeta taim bai yumi lukim gutpela samting. Ol samting no gut i save stap olgeta taim long olgeta hap na yumi mas wok bung olsem wanpela bikpela Papua Niugini famili

long daunim ol dispela samting no gut.

Em i tok wanpela o tupela man tasol i no inap long daunim ol dispela samting nogut, yumi olgeta long wan wan provins i kam long pilai spot, na yumi mas helpim yumi yet.

Minista bai givim toktok bilong em gen long taim bilong pasim dispela PNG Gems. Em i tok amamas long olgeta provins long wok ol i mekim long kam kamap long dispela bikpela pilai.

Em i bin tok bikpela tok tenk yu tu long Bank South Pacific (BSP) na ol arapela sponsa husat i givim bikpela sapot long mekim kamap dispela 2014 PNG Gems.



Ol manmeri, ol sponsa, na ol lida long seremoni bilong opim 2014 PNG Gems.

Medikol tim bilong tim AROB i wok strong

Isaac Liri i raitim

TIM lida bilong medikol tim bilong tim Autonomos Rijn ov Bogenvil (AROB), Dokta Barnabas Matanu, i makim maus bilong medikol tim bilong tim AROB na tok ol i amamas tru long givim helpim long ol spot manmeri bilong AROB husat i pilai long PNG Gems.

Dokta Matanu i tok dispela em namba wan taim bilong em long raun wantaim tim AROB, na em bai lukim olsem olgeta spot manmeri i kisim gutpela helpim.

Em i tok medikol helpim em i wanpela bikpela samting tru we olgeta spot manmeri bai nidim long stap fit na pilai.

Tim AROB i gat moa long 500 spot manmeri na teknikel opisal long 2014 PNG Gems, na Dokta Matanu i save olsem em i bikpela wok tru, long wanem, i gat 10-pela medikol opisa tasol na wanpela dokta.

Dokta Matanu i tok medikol tim bilong AROB long dispela 2014 PNG Gems em bikpela tim sapos yu skelim wantaim namba bilong ol memba bilong medikol tim long ol PNG Gems long bipo.

Dispela medikol tim bilong tim AROB i gat wanpela medikol sumatin bilong Yuni-versiti ov Papua Niugini (UPNG), wanpela nes, na olgeta em ol spesel dokta bilong stretim ol masol bilong

bodi, long tok Inglis bai yumi kolim ol Physiotherapist.

Olgeta memba bilong dispela medikol tim i save stap na wok long Bogenvil, tasol dispela medikol sumatin tasol i save stap long Pot Mosbi.

Dispela medikol sumatin em i save spesolais long marasin na Dokta Matanu i tok dispela PNG Gems bai givim em gutpela ekspirien long mekim medikol wok.

Ol memba bilong AROB medikol tim i bin statim wok bilong ol pinis long taim ol i bin kalap long nupela sip, MV Chebu.

Dokta Matanu i tok moa long 40 spot manmeri i bin pilim liklik sik taim ol i bin stap antap long sip na ol medikol opisa i bin helpim.

Long lukluk bilong em long dispela wik, em lukim olsem olgeta spot manmeri i stap fit na redi long pinisim pilai bilong ol.

Ol medikol tim i bin givim sampela gutpela tok skul long ol spot manmeri pinis na em i bilip olsem ol bai harim tok.

"Mipela i toktok long ol spot manmeri long ol liklik samting olsem wasim han bihain long ol i yusim toilet, na tu, ol arapela samting tu we bai stopim ol long kisim sik," Dokta Matanu i tok.

Dokta Matanu i tok nau yet ol i wok strong long helpim ol spot manmeri, na ol bai wok yet inap long tupela wik.



Medikol tim bilong tim AROB long St Mary long Lae.

Hela amamas long Tura

HELA Provins long Hailans rijon em i wanpela ples we i bin amamas long lukim mascot bilong 2015 Pasifik Gems, Tura Kokomo.

Raun bilong Tura i go long Hela i lukim ol manmeri long hap i pilim stret ekspirien bilong Pasifik Gems.

Maketing Eksekutiv Menesa bilong Gems Ogenaising Komitei, Ken Siminji, i tok ol pipel bilong Hela i tok welkam long Tura wantaim tum-buna singsing olsem wanpela kalsa de bilong ol.

Ol sumatin na skul long Hela i amamas tru long lukim dispela Maskot.

Long taim em i stap long hap, em i raun i go long ol skul long liklik i go inap bikpela long 4 pela distrik long Hela.

Raun bilong Tura tu i bin mekim awenes long stap olsem pasin poroman, bel isi na kamapim ol gutpela spot manmeri.

Ol sampela skul we Tura i raun long en em, elementeri, praimer i na sekenderi skul long Tari, Komo Magarima, Tari Pori na Koroba.

Gavana bilong Hela wantaim sampela bikman long provins i bin raun wantaim Tura long raun bilong em na em i mekim bikpela tok welkam long Tura.

Ol pikinini bilong Hela i amamas long harim mining bilong Tura osem em i wanpela pren na ol i kolim em long tok ples bilong ol "Neneka" minim pren.



LIDA BILONG NCD: Gavana bilong NCD, Powes Parkop i bin go pas long wokabout wantaim ol memba bilong tim NCD long seremoni bilong opim PNG Gems. *Poto Isaac Liri.*

WHP daunim NCD long soka

Isaac Liri i raitim

OL manmeri husat i bin stap long Lae Futbol Asosiesen (LFA) ples bilong pilai soka i bin lukim histori taim Westen Hailens (WHP) soka tim i winim Nesanel Kapital Distrik (NCD) long stat bilong dispela wik.

Ol mangi WHP i bin pilai strong tru na lokim NCD 3-0. Ol NCD i bin no gat sans long skoim gol, long wanem, difens bilong WHP i bin strong tru na pasim rot bilong ol straika bilong NCD.

Kosa bilong WHP, Robert Tupaika, i tok planti bilong ol pilaia bilong WHP em ol nupela pilaia we i kisim gutpela trening long Maun Hagen na kam daun long pilai long PNG Gems.

Em i tok planti ol pilaia em ol yangpela pilaia bilong Hagen Soka Asosiesen we i gat talen long soka,

Mista Tupaika i tok dispela win bilong WHP egen-sim NCD i soim olsem ol i ken winim ol arapela strongpela soka tim olsem Morobe na Manus.



Wanpela pilaia bilong NCD i laik kikim bal i kam bek insait long ples bilong pilai *Poto Isaac Liri*

NARU- Asples Morobe bai win

Asa Sumba! Husat tok nogat!

Isaac Liri i raitim

ASA Sumba! Husat tok nogat! Morobe filing ya! Dispela em hap tok bilong Gavana bilong Morobe Kelly Naru taim em i toktok wantaim olgeta manmeri na ol lida bilong ol long seremoni bilong opim 2014 PNG Gems long Lae.

Gavana Naru, i tok Morobe em asples na em i gat strongpela tingting olsem provins bilong em bai winim

dispela 2014 PNG Gems.

"Mi toktok wantaim olgeta spot lida bilong Morobe pinis na mipela i pasim tok olsem dispela taitel bilong sempion bai no inap long lusim Lae," Gavana Naru i tok.

Em i tok gavman bilong em i lusim bikipela mani long kamapim dispela pilai na em i gat strongpela bilip olsem ol spot manmeri bilong Morobe bai mekim gut.

Moa yet long en, planti pilaia bilong tim Morobe em

ol yangpela pilaia. Taim Wantok Niuspepa i bungim sampela bilong ol dispela yangpela spot manmeri long Lae, ol i tok ol bai pilai strong, long wanem, ol i pilai long haus dua na planti famili bilong ol i stap long givim sapot long ol.

Ol i tok ol i les long daunim nem bilong Morobe long ai bilong ol famili bilong ol, na ol bai soim stret trupela kala bilong Morobe spot.



Ol yangpela spot manmeri bilong tim Morobe.

Jiwaka soka soim kala long PNG Gems

Isaac Liri i raitim

OL manmeri long Lae Futbal Asosiesen (LFA) ples bilong pilai, i bin amamas na givim sapot taim ol i lukim tim Jiwaka soka tim bilong ol man i ran go insait long pilai namba wan gem bilong ol egensim Is Nu Briten (ENB) long dispela wik.

Taim Wantok Niuspepa i kisim tingting bilong ol sapota husat i kam long

kain kain provins insait long kantri, ol i tok ol bai givim sapot bilong ol long Jiwaka, long wanem, ol i amamas long lukim Jiwaka i kam wantaim soka tim bilong ol man na meri wantaim.

Long soim sapot bilong dispela namba wan soka tim bilong Jiwaka, gavana bilong Jiwaka, William Tongamb, i amamas tru na sanap namel long ol sapota na lukim tim Jiwaka i ran i

go insait long ples bilong pilai.

Gavana Tongamb i tok dispela em histori na em i no inap long lus tingting long dispela. Em i tok dispela i soim olsem soka long provins bai gro na kamap bikipela long ol yia i kam bihain.

Gavana i tok maski ol i lus o win, em bai givim moa sapot yet long strongim dispela spot long provins bi-

long em.

Tim Menesa bilong Jiwaka soka tim, Junior Aipe, i tok Jiwaka i no gat soka asosiesen we i rejista wantaim Papua Niugini Futbal Asosiesen (PNGFA).

Em i tok ol i wok strong yet long kamapim wanpela asosiesen long helpim ol long go het long developim soka long provins.

Mista Aipe i tok planti yangpela long Jiwaka i save

soim bikipela intres long ragbi lig na planti i no save bihainim soka.

Mista Aipe wantaim helpim bilong ol sampela arapela tisa na wok manmeri bilong ol arapela provins husat i stap long Jiwaka i bin wok bung na kamapim dispela soka tim.

Jiwaka i stap insait long wankain pul wantaim Is Nu Briten, Nu Ailan na Bogenvil.

Namba wan hoki tim bilong WNB long PNG Gems

Isaac Liri i raitim

DISPELA 2014 PNG Gems i lukim namba wan taim bilong Wes Nu Briten (WNB) long makim wanpela hoki tim na salens wantaim ol arapela provins.

Ol arapela provins we i save lukim planti pilai bilong hoki em NCD, Morobe, Manus, Is Nu Briten na Madang.

Tim Menesa bilong hoki tim bilong WNB, Elijah Wani, i tok ol i save olsem em bai no inap long isi long pilai egensim ol top hoki provins, tasol ol i amamas long salens, na ol bai pilai strong long givim gutpela salens.

Mista Wani, i tok ol hoki pilaia bilong provins i no bin gat planti taim long redi long kam pilai long PNG Gems tasol stail bilong ol i gutpela tru, na em i amamas long ol.

"Ol hoki pilaia bilong WNB i bin trening na wok redi long faivpela mun tasol," Mista Wani i tok.

Em i tok dispela PNG Gems bai givim gutpela ekspirians long ol, na taim ol i go bek long WNB, ol bai helpim ol arapela poroman bilong ol long pilai hoki.

Mista Wani i tok olsem wanpela bikipela as long ol i kisim hoki tim i kam long PNG Gems em long soim ol arapela provins na kantri olsem WNB i gat hoki, na wok developmen long dispela spot em i stat pinis.

Spot Minista bilong Nu Kaledonia raun long PNG Gems

Isaac Liri i raitim

SPOT MINISTA bilong Nu Kaledonia, Valentine Eurisouke, i kam raun long PNG Gems long lukim na skelim dispela bikipela nesenel pilai.

Minista Eurisouke i tok em i amamas long lukim planti yangpela bilong Papua Niugini i soim talen bilong ol long dispela pilai.

Em i tok PNG Gems em i wanpela gutpela spot program we PNG i kamapim, long wanem, em bai givim moa ekspirians long ol spot manmeri long redi gut bipo long ol i go pilai long Pasifik Gems, na tu, long Komonwelt na Olimpiks.

As bilong raun bilong Minista Eurisouke em long painimaut moa long kamap bilong PNG Gems,

na wanem gutpela samting dispela pilai i save kamapim long kantri.

Minista Eurisouke i tok Nu Kaledonia i gat plen long wok bung wantaim PNG Gems na kamapim ol arapela program we i ken givim gutpela samting long ol spot manmeri bilong Papua Niugini na Nu Kaledonia.

Wanpela samting we em i bin toktok long em long dispela wik em long kamapim wanpela spot senis program we sampela spot manmeri bilong Papua Niugini i ken go long Nu Kaledonia na sampela ol Nu Kaledonia i ken kam long Papua Niugini.

Em i tok ol dispela kain program i ken strongim wok pren bilong spot namel long Nu Kaledonia na Papua Niugini.



Spot Minista bilong Nu Kaledonia Valentine Eurisouke (namel) wantaim ol arapela opisal bilong Nu Kaledonia na sampela bilong PNG Poto Isaac Liri.

Ol mangi bilong ples karim nem bilong Madang hoki tim

Isaac Liri i raitim

MADANG em wanpela provins husat i gat hoki tim na nau ol i wok long pilai strong tru long PNG Gems long Lae.

Taim Wantok Niuspepa i bungim tim Madang long dis-

pela wik bihain long ol i pilai egensim Is Sepik, ol kosa na opisal bilong tim i tok planti ol pilaia long hoki tim bilong Madang i kam long ples na i no long taun eria.

Ol i tok moa olsem bikipela hoki asosiesen em i stap long Not Kos eria autsait long

Madang taun, na ol i kisim olgeta pilaia bilong dispela hap long kam makim Madang long hoki long PNG Gems.

Kosa bilong hoki tim bilong Madang, Bonney Samen, em i wanpela hoki pilaia bipo husat i bin makim PNG long tripela taim olgeta na em i tok

em i lukim planti gutpela developmen long hoki long provins bilong em.

"Level bilong hoki long Madang em i wok long develop na planti yangpela i wok long lainim planti ol nupela rul bilong dispela spot," Mista Samen i tok.

Em i tok em i gat strongpela bilip long hoki tim bilong Madang long mekim gut long dispela PNG Gems.

Madang hoki tim long divisen bilong ol man i gat tupela mangi husat i save makim PNG na go pilai long ovasis.

PNG Hunters go bek long kemp

PNG Hunters bai go bek long kemp long Kokopo stat long dispela wik Sarere long redi long 2015 Intrust Super Cup.

Bihain long dispela, ol bai kam aut gen long taim bilong Krismas na Niu Yia long stap liklik wantaim ol famili bilong ol na bihain go bek gen long kemp long Januери 3.

Intrust Super Cup bai stat long Mas 7 wantaim nupela 14-man rul bilong pilai we bai lukim 14 man i stap insait long ples bilong pilai na pilai.

Kompetisen long neks yia bai lukim wanpela nupela tim bilong Townsville i kam insait. Dispela tim em Townsville Blackhawks.

Olgeta tim bilong Intrust Super Cup bai gat 11 hom gem, dispela bai lukim PNG

Hunters i gat planti hom gem long neks yia.

Ol Hunters bai pilai trail gem bilong ol egensim Ipswich Jets long Februeri 21, na bihain long dispela, ol bai lonsim namba 2 sisen bilong ol.

Planti ol pilai husat bai pilai long neks yia em ol pilai husat i bin pilai long dispela yia.

Wanpela nupela pilai

husat bai kam insait long skwat em Kato Ottio husat i bin pilai wantaim PM 13 Kums long las mun.

Kosa bilong PNG Hunters, Michael Marum, i tok ol i gat bikpela taim long redi bipo long kompetisen i stat long neks yia, na em i gat bilip olsem dispela bai helpim ol long pilai gut long neks yia.

"Planti nupela pilai i soim

olsem ol i ken pilai wantaim Hunters long neks yia, na ol i mas soim ol selekta olsem ol i gat gutpela talen long strongim PNG Hunters tim," Kosa Marum i tok.

30 man skwat husat bai go long kemp long Kokopo; Adex Wera, Adam Korave, Brandy Peter, Edward Goma, Israel Eliab, Lawrence Tu'u, Noel Zemming, Roger Laka, Sebast-

ian Pandia, Thompson Teteh, Timothy Lomai, Wartovo Puaru, Willie Minoga, Stanton Albert, Dion Aiye, Esau Siune, George Benson, Kato Ottio, Henry Wan, Enoch Maki, David Lapua, Stargoth Amen, Warren Glare, Atte Bina Wabo Ase Boas, JayJay Garison Samuel Koim, Tau Fitzgerald, Bland Abavu, Philemon Kim-sive.



TIM WESTEN: MASKI midia i toktok kain kain toktok olsem tim Westen bai no inap long pilai long 2014 PNG Gems, wanpela liklik grup bilong tim Westen i bin wokabaut long seremoni bilong opim PNG Gems.



SAK KAIKAI TEL BILONG PUKPUK: Boksa bilong Manus i bin winim boksa bilong Sepik long wanpela strongpela pait Poto Eric Sinebare .



Ridim stori long pes 25



SIMBU SPESOL: Simbu Gavana, Noah Kool, i givim bikpela sapat long tim Simbu long pilai long namba sikis PNG Gems long Lae. Kool i sanap wantaim ol Simbu ambai husat i bilas gut tru. Poto Eric Sinebare

Ol spot poto long wiken...



Ol Poto Isaac Liri.

MIPELA STAP: Liklik grup bilong Tim Galp i bin soim Papua Niugini olsem ol tu bai pilai long PNG Gems maski provinsal gavman i no givim mani.



SOKA STA: Soka sta bilong Bogenvil, Ferdinand Kusi i pulim bal na redi long setim ol straika bilong em.



PAITIM BAL: Yangpela meri bilong Wes Nu Briten i laik paitim hoki bal.



SEPIK NA ORO: Wampela pilaia bilong Oro (wait) i pulim bal na pilaia bilong Is Sepik i traim long kisim bal long em.



PARA SPOT: Ol etlit bilong Para Spot i ran strong na san tu i hatim ol.

OL MANGI PS: Ol mangi Sepik i trening liklik bipo long ol i go insait long ples bilong pilai.



TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait



Jiwaka Soka

Namba wan soka tim
bilong Jiwaka long PNG Gems

Tim Morobe
pes - 25

Featured Product Pharmasyntez TB Drugs.

Effective treatment of TB at an affordable Price.

Good Products, Better Prices, i kam long.

Johnstons Pharmcies Ltd

Phone 325 3185 Fax 325 0190 Email sales@johnstons.com.pg

